

*VHAHEVHERU,  
NDIMA YA VHUTANU  
NA YA VHURATHI*<sup>1</sup>

♪ . . . ya—ya Bugu ya Vhahevheru. Zwenezwo ra dzhena kha ya vhu7, vhutshifhe ha Melikesedeke. Huno-ha ra dzhena kha, u bva kha vhutshifhe ha Melikesedeke, ra dzhena kha mađuvha mahulu a tshipfumelo, na u fhandekanya, u khethekanya zwipfumelo. Zwenezwo ra dzhena kha ndima khulu ya lutendo, ndima ya vhu11; na ndima ya vhu12, “U vhetshela kule mihwalo yothe.” Na ndima ya vhu13, “Haya ha Lini na lini hu so ngo fhaťwaho nga zwanda zwa muthu; fhedzi Mudzimu, a ethe, we a vhumba uhu Haya huhulu.” Ndi zwa vhudi hani!

<sup>2</sup> Ndo takala nga u vhona khaladzi ashu murahu afho, ane a kha di tou bva u dzhena kha tshumelo. Ndi khou mu vhona na mukalaha wawe. Mulovha, ro vha ri ndilani yashu ri tshi gonyela n̄tha, u mona na fhethu hune. . . Ndo elekanya uri ndi divha kupađa kuňwe na kuňwe na khona, fhedzi nga u vha mulindi wa vhugala phukha hafha Indiana, na u monamona lwa miňwaha yo vhalaho. Ndi divha fhethu hothe. Fhedzi mulovha ndo vha ndi tshi do xela, n̄tha afho he vha vha vhe hone, n̄tha ha tshiulu, bada ntswa.

<sup>3</sup> Huno mufumakadzi o vha a na pfuko kha mafhafhu, huno Murena a fhodza uyo musadzi tshothe. Ra dzhia . . . Oo, zwo bvelela hani zwothe, ro vha ro dzula heneffho. Mukomana Roberson, u hone, ɻamusi. Ndo vhona mufumakadzi wawe, na Mukomana Wood, ane a vha hone. Huno ro vha ri n̄tha heneffho kha t̄iraka la kale, Mukomana Roberson na nne, na Mukomana Wood. Huno ra dzhia heli t̄iraka, ra gonya n̄tha heneffho, n̄tha ha tshikwara. Huno heneffho Murena vha sumbedza pfuko ngangoho. Huno ra ima heneffho nahone ra i vhona i tshi t̄utshela musadzi. Nga mađo ashu, ra ima nahone ra i vhona i tshi t̄utshela musadzi. Huno a founela murahu kha Mukomana wa mufumakadzi wa Wood; huno a mmbudza, o vha a tshi khou bvisa izwo zwithu zwitswu. Huno khoyu afha ano matsheloni, o dzula murahu tshivhidzoni, ene na mukalaha wawe a funeaho, vha na tshifhinga tsha vhudi kha Murena. Naa a si Wa vhudi? [Tshivhidzo tshi ri, “Amen.”—Mudz.]

<sup>4</sup> Huno ndo vha ndi sa zwi divhi uri. . . Hafha, kanzhi, kha vhathu vha re hone, mabono a dzulela u itea hafha. Fhano ndi

hayani hanga. Nahone, ndi amba, tshivhidzoni.

<sup>5</sup> Swondaha, nga vhege, ri . . . Ndi vhanganan vhe vha vha fhano vho vhonaho munna kha wilitshee? O popula, tshihole, a sa tshi pepeleka, nahone tsinga dza muhumbulo dici sa tsha shuma, huno vho Mayos vho mu tambo zwanda. Huno—huno muñwe dokotela wa Katolika ake a vha khonani yanga a mu rumela ngeno nthia. Huno phanda ha musi ndi tshi da kha tshumelo, Murena o netshedza bono la uyo munna. Izwo nothe ni a zwi divha. Huno uyo munna a fhodzwa heneffo, nga ARALO MA AMBA MURENA. Ni a vhona? A takuwa na zwenezwo, a bvela nnnda, a dzhia wilitshee yawe, a tshi kona u vhona vhunga inwi kana nne ndi tshi ralo. Huno a bvela nnnda ha tshifhaço a tshi khou sukumedza tshidulo tshawe, o fhelela. Huno tsinga dza ndinganyo . . . Ni a divha, ni nga si difare, ni a vhona, ni tou vha ni nga si zwi kone. Huno lwa miñwaha o dzula.

<sup>6</sup> Huno mulovha musi ndi tshi swika heneffo, mufumakadzi o vha na muñoro wa u mmbona ndi tshi dzhena, nga iri ya vhuvhili nthia ha tshithoma, nahone nda mu divhadza u ri “na pfuko iyo,” huno zwenezwo, “ARALO MA AMBA MURENA, ‘o fhodzwa.’” Huno—huno a phaphama, nahone yo vha i tshi tou vha iri ya vhuvhili nthia ha tshithoma. Huno Muya wa Murena wa tsela fhasi, huno heneffo hoyo—hoyo muñoro we a vha nawo, we Murena a neya thalutshedzo. Huno a fhodzwa heneffo, heneffo musi ro lavhelesa. Ndi zwa vhudi hani!

<sup>7</sup> A thi humbuli dzina lawe. Ndi nnyi? Dzina lanu ndi nnyi, khaladzi? Walton, Khaladzi Walton, o dzula murahu afho. Ni nga ralo u ima, Khaladzi Walton? Ndi khou toda u ni vhudzisa uri ni khou dipfa hani. [Khaladzi Walton u ri, “Ndi wa vhudi.”—Mudz.] Amen. Izwo ndi zwa vhudi, zwo naka na u lulama. Ndi wa vhudi, nga uri fhañutshedza nga u rali. Ngauralo ri khou lavhelela zwi fhirisaho, zwo ñalahlo, zwa tshikalo tshihulu tsha Mudzimu.

<sup>8</sup> Dokotela o vha a sa mu vhudzi hezwi. O mu vhudza u ri “o vha a tshi khou fema nga lurumbu luthihi.” Ho vha hu mini, pfuko yo hula u mona nahone ya tumula mufemo kha iyo thungo ya fhafhu, ni a vhona. A ni koni u vhona pfuko kha x-reyi, ngauri pfuko ndi tsinga, yone iné, nahone ndi—ndi vhutshilo. Huno ni—ni—ni tou—na—na tou lavhelesa kha pfuko, nga x-reyi. A ni i vhone.

<sup>9</sup> Huno, fhedzi Murena o ralo zwavhukuma . . . Ro ima heneffo nahone ra zwi lavhelesa, riñe vhañe, nga maño ashu. Ra i vhona i tshi pfuluwa, nahone ra i vhona i tshi tuwa, nga maño ashu. Ngauralo, ri livhuwa zwiñhulu nga izwo.

<sup>10</sup> Huno zwino, ri rabelele zwino, ino vhege, musi ro tuwa. Huno Mukomana Neville u do thoma he nda guma hone, u itela tshumelo ya madekwana a Lashuraru. Ni so ngo i ñahela, kha ino ngedane khulu ya Bugu ya Nzumbululo.

<sup>11</sup> Ndi a divha uri ndi thabelo nnzhi dzo ɳetshedzwaho, nahone ri—ri a zwi divha uri Mudzimu u ya pfa thabelo. Fhedzi rine, ano matsheloni, ri khou Ძoda u ɳetshedza thabelo Ძhukhu phanda ha musi ri tshi vhala u bva kha Bugu. Zwino, muthu muñwe na muñwe ane a kona, a nga kona u vhala Bugu nga *heyi* ndila, kana a kona u i vula nga *heyi* ndila. Fhedzi zwi dzhia Mudzimu, a eṭhe, u vula u pfectesa, ngauri Ndi Ene a eṭhe Ane a nga zwi ita.

Ngauralo kha ri kotamise Ძhoho dzashu lwa tshifhinganyana.

<sup>12</sup> Zwino, Khotsi, nga Dzina la Murwa mufuñwa Wau, Murena Yesu, ri da u dikumedza zwino nga u dītukufhadza, sa vhalanda Vhau, uri U ambe kha rine. Rubisa meme dzi ambaho na nđevhe dzi pfaho, uri Ipfi li ambiwe nga Mudzimu nahone li pfiwe nga Muya, kha vhathu. Zwi tendele, Khotsi. Ngavhe A tshi dzhia Ipfi la Mudzimu huno a ri funza u ya nga hune ra Ძoda, ngauri ri zwi humbelu nga Dzina Lawe na u itela vhugala Hawe. Amen.

<sup>13</sup> Zwino, ndi tshi khou vhala ano matsheloni, ri khou guda. A ri—a ri khou rera; ri khou tou guda *heyi* Bugu ya Vhahevheru. Ndi vhangana vhanne vha khou Ძiphina ngayo? Oo, ri khou vha na tshifhinga tsha vhudi! Huno zwino ri khou guda nga vhuronwane, Luñwalo kha Luñwalo. I tea... Yothe, Bivhili yothe i tea u Ძumana. A hu na Ipfi na Ძithihi li si ho vhuimoni Halo, arali Zwo vheiwā zwothe nga Muya Mukhethwa.

<sup>14</sup> Zwino, vhathu vha ri, “Bivhili i ya Dihanedza.” Ndi khou Ძoda u zwi vhona. Ndo vhudzisa, lwa miñwaha ya fumbili-̄thanu, izwo, nahone a hu athu u vha na muthihi ane o no vhuya a zwi sumbedza. Bivhili a i hanedzani. Arali i tshi ralo, a si Bivhili. Ene muhulu, Yehova a si na magumo a nga si Dihanedze Ene Munę, ngauralo a hu na u hanedzana kha Bivhili. Hu tou vha u sa pfectesa ha vhathu.

<sup>15</sup> Zwino u itela mvulatwinga Ძhukhu, u swika ri tshi humela murahu. Zwino, Bugu ya Vhahevheru yo ñwaliwa nga Paulo Mukhethwa, kha Vhahevheru. O ñwala inwe a tshi itela Vhaefesa, avho ndi vhathu vhe vha vha vha ngei Efesa, Tshivhidzo tsha Vhakriste; inwe ya Vharoma ngei Roma; na inwe kha Vhagalata; na inwe kha Vhahevheru.

<sup>16</sup> Zwino, ri vhona uri Paulo, nga u vha mudededzi wa Bivhili, na u rangani hazwo. Izwo ndi zwine ra guda. Uri o dzula phasi ha mudededzi muhulu, muñwe wa vhahulu maduvhani awe, Gamalea. Nahone o vha o pfumbudzwa lwo edanaho kha Thestamente ya Kale. O vha a tshi i divha khwine. Fhedzi a vha mutovholi wa ndila ye ya vha i Ndila ya Kristo, ngauri o gudiswa kha Thestamente ya Kale phasi ha vhadeddedzi. Fhedzi vhadeddedzi, kanzhi vha ñama... Ndi fulufhela u sa amba tshiñwe tshithu tsho khakheyaho.

<sup>17</sup> Fhedzi, kanzhi, arali muthu a na pfunzo na ndila ya zwikolo, kanzhi zwi vha zwo itwa nga muthu. Ni a vhona, a zwo ngo

tuṭuwedzwa, ngauri zwi fhedza two vha pfunzo ya tshikolo. Ri nazwo ḥamusi. Phuresibatherieni, Luṭere, Pentekostala, hezwi zwikolo zweṭhe zwi na kuvhonele kwazwo, nahone vha tou džhenisa Maṇwalo kha hezwi.

<sup>18</sup> Huno two vha zwi zwithihi na kha Thestamente ya Kale. Fhedzi, Paulo, nge a gudiswa zwa vhudi, na u ḫivha Maṇwalo nga ipfi. Fhedzi, ni a vhona, Maṇwalo, hu si na ndavha uri ni a ḫivha hani, arali Muya wa sa a hanyisa, zwenezwo luṇwalo lu ya vhulaya. Muya u ḥeya Vhutshilo. Ni a vhona, a tea u hanyiswa, kana u itwa a tshilaho, nga Muya. Arali Muya u sa ite uri Ipfi li tshile na u Li ita uri li vhe la vhukuma kha inwi, zwenezwo luṇwalo lu tou vha lwa ḥama. Ndi heneffo hune ra vha na Vhakriste vhanzhi vha no tou ḫiamba ḥamusi, kana Vhakriste who no tou ḫibuletshedza, ndi uho u pfesesa Kristo ha ḥama.

<sup>19</sup> Zwenezwo ra dzhena kha, “Zwo luga, u tea u pfa tshiṇwe tshithu; nahone ni tea u ita tshiṇwe tshithu.” Huno, oo, ri do dzhena kha izwo zweṭhe, hu si kale. Muṇwe u tea u huwelela. Vhamethodisi who vha vha tshi tou tea u huwelela, phanda ha musi vha tshi vha nawo. Vhapentekostala who vha vha tshi tea u amba nga dzindimi, phanda ha musi vha tshi vha nawo. Huno, oo, vhaṇwe vha hone, Vhakhadi, who vha vha tshi tea u khad̄a. Ee. Vha kale... Vho vha vha tshi tshimbila vha tshi ya nthā na fhasi, vhanna kha iṇwe thungo, vhasadzi kha iṇwe. Ni a vhona? Vhakhadi. Muya Mukhethwa wo vha u tshi da khavho nahone wa vha dzinginyisa. “Vho vha vha Nawo.” Fhedzi zweṭhe ndi vhusweleli. A hu na tshithihi tshazwo tshi re Ngoho.

<sup>20</sup> Mudzimu u tshila kha Ipfi Ḫawe. “Lutendo lu da nga u pfa, u pfa Ipfi.” “No tshidzwa nga lutendo, nga kha tshilidzi.” Hu si nga tshiṇwe tshithu, kana ni tou khadana, kana u amba nga dzindimi, kana tshini na tshini tshine tsha itea. Izwo a zwi kwamani nazwo, na luthihi. Yesu o ri, “Uyo ane a pfa Maipfi Anga nahone a tenda kha Uyo we a Nthuma, u na Vhutshilo Vhu Sa Fheli. Uyo ane a pfa Ipfi Ḫanga nahone a tenda, a hanyiselwa khae, u na Vhutshilo Vhu Sa Fheli.” Khezwo heneffo. A hu na ndavha uri ndi zwituku hani zwine na ita.

<sup>21</sup> Zwino, a thi lwi na u khadana, kana u amba nga dzindimi, kana u khadana, oo, uho—uhoh u huwelela. Izwo two luga zweṭhe. Ndi zwa vhudi. Fhedzi izwo zwi tou vha zwibveledzwa. Ni a vhona? Ndi nga ni fha apula li bvaho kha muapula, na vha ni si na muri. Ni a vhona? Ni... Ndi zwibveledzwa.

<sup>22</sup> U zwifha, u tswa, u ḥwa halwa, u daha, u betsha, u ita vhupombwe, izwo a si tshivhi, izwo ndi zwibveledzwa zwa u sa tenda. Ni a vhona? Izwo ndi zwine na—na... Ni ita izwo ngauri ni muitazwivhi. Ni a vhona? Fhedzi tsha u thoma ni muitazwivhi. Ndi zwone zwi ni itaho uri ni ite izwo, ngauri a ni tendi. Huno arali ni tshi tenda, zwenezwo a ni iti izwo. Zwenezwo ni na

lufuno, dakalo, mulalo, u kondelela, vhuthu, u bvuda, vhulenda, u lindela. Iyo ndi mitshelo ya Muya Mukhethwa. Ni a vhona?

<sup>23</sup> Ngauralo ri na zwithu zwiṭuku, zwipfa zwiṭuku, ndi ngauri muthu o bva ndilani, o rwa ndila ya Ipfi. Ndi Ipfi. “Lutendo lu da nga u pfa.”

<sup>24</sup> Ngauralo musi Paulo . . . Mudzimu o nanga Paulo. Muthu a nanga Mathiasi. Musi a . . . Vho mvaṭa, fhedzi a hu na zwe a ita. Izwo zwi sumbedza maanda ane tshivhidzo tsha vha nao, a u khetha, u nanga mudikoni wavho, na u rumela vhareri vhavho fhethu ho fhambanaho. Izwo ndi zwa qama, tshifhinga tshinzhi.

<sup>25</sup> Tendelani muthu a ye hune Mudzimu a mu rangaphanda uri a ye. Izwo ndi a zwi takalela. Arali vhathu vha khuvhangano vha nga tou ri, “Zwo luga, khetshi tshivhidzo tsha vhudi afha. Hoyu murathu o fhata tshivhidzo tsha vhudi. Nahone ri na ndeňwa thukhu.” Vha do mu rumela kha hetshi tshivhidzo. A vha zwi limuwi uri vha khou divhulaya. Ni a vhona? Fhethu ha u tou thoma, arali hoyo muthu a ya henefho, a nga si ime vhuimoni ha hoyo munna. Zwenezwo vha tou netisa tshivhidzo, nga u lingedza u sumbedza u takalela iñwe ndeňwa. Zwo dzulela u vha nga yeneyo ndila.

<sup>26</sup> Fhedzi ndi tenda kha ndango khulu ya khuvhangano ya hayani. Ee. Tshivhidzo tshiñwe na tshiñwe kha tshi diimise, kha tshi dinangele vhafunzi vhatsho, madikoni atsho, atsho, tshini kana tshini. Huno-ha, nga heyo ndila, munna a re afho ha na mubishopho ntha hawe. Muya Mukhethwa u khou tqoda u amba tshiñwe tshithu kha itsyo tshivhidzo, a vha tei u vhudzisa muñwe muthu arali vha tshi nga ita *hezwi* kana u ita *zwila*. Ndi muthu a ethe a tshi kwamana na Muya Mukhethwa. Ntsumbedzeni nga Bivhili tshihulu, kha Bivhili, u fhira muhulwane wa tshivhidzo tsho doweleyaho? Ndi zwone, ee, muñe wanga, vhuhulu ha tshivhidzo tsho doweleyaho, tshivhidzo tshiñwe na tshiñwe nga tshone tshinę. Zwino, vhurathu, izwo ndi zwa vhudi. Zwivhidzo zweþe zwi tea u vha kha vhushaka ha vhurathu nga u ralo, khathihi. Fhedzi vhuvhusi ha tshivhidzo tsha hayani!

<sup>27</sup> Lavhelesani Paulo, nga u vha mudededzi muhulu, o pfumbudzwaho zwa vhudi, ndilani yaye ya u ya Damaseka, liñwe duvha, uri a yo fara vhathu vhe vha vha kha heyi Ndila ntswa. Zwino, o vha a kha vhungoho. Mudzimu ha ni haṭuli nga vhungoho hanu. A thi athu u vhona vhañwe vhathu vha vhungoho u fhira vha sa tendi. Vhunzhi havho vha a vhulaya na vhana vhavho, lwa liphedzi, u—u itela tshiṭhavhelo tsha u kumedzela zwidzimu. A si vhungoho. Muthu a nga dzhia esidi ya khaboni, nga vhungoho, a tshi elekanya uri u khou ñwa tshiñwe tshithu-vho. Vhungoho a vhu ni tshidzi. “Hu na ndila i vhonalaho i yone kha muthu, fhedzi magumo ayo ndi ndila ya lufu.”

Paulo o vha a na vhungoho musi a tshi neya vhutanzi, nga ndango yawe ene muñe, musi a tshi kanda Stefane. Ho no fhela miñwaha nyana, ndi takalela u humbelä pfarelo ha Paulo, o ri, "A tho ngo fanelwa nga u vhidzwa mufunziwa kana u vhidzwa muapostola, ngauri ndo tovholo Tshivhidzo u swika lufuni." Nga vhungoho!

<sup>28</sup> Huno ndilani yawe ya u tsela fhasi, o ḥangana na tshenzhemo. Muya Mukhethwa wa ḫa kha Khavhu ya Mulilo, nahone Wa mu pofudza. Zwino, ro no fhira kha izwo, Khavhu ya Mulilo ndi Kristo. Nahone O vha a Khavhu ya Mulilo nthihi yo rangaho phanda vhana ngei sogani. Kristo ndi Mudzimu, nahone Mudzimu ndi Kristo. Mudzimu o itwa ḫama nahone a dzula kha muvhili wa Murena Yesu. "Mudzimu o vha a kha Kristo, a tshi vhuyedza shango kha Ene muñe," a tshi sumbedza zwe A vha a zwone.

<sup>29</sup> Kha Bivhili murahu hafha, kha ndimana dza murahu dze ra dzi vhala, u ri, "O Diita a vha fhasi ha Vharuñwa. A dzhia tshivhumbeo, hu si tsha Vharuñwa, fhedzi a dzhia tshivhumbeo tsha ḫama." Vharuñwa a vho ngo wa, a vha ḫodi thengululo. ḫama yo wa, vhathu, nahone vha ḫoda thengululo. Ngauralo, kha milayo ya kale, muthu, uri a vhe—a vhe murengululi, tsha u thoma u tea u vha shaka; Bugu khulu ya Ruṭe, ye ra fhira khayo hafha, tshinwe tshifhinga tsho fhiraho. Huno Mudzimu o ralo hani, ngauri a vha Muya, a vha shaka na riñe, nga u vha muthihi washu, uri a ri rengulule na u ri ḫeya Vhutshilo Vhu Sa Fheli. O vha muthihi washu, huno uri riñe nga tshilidzi ri vhe Ene.

<sup>30</sup> Huno ri wana Khavhu ya Mulilo yo ranga phanda vhana vha Isiraele. Huno musi I tshi itwa nama kha lifhasi, ri Mu pfa a tshi amba ḫinwe ḫuvha, huno A sumbedza uri O vha a Khavhu ya Mulilo. Vha ri, "U amba uri u muhulu kha khotsi ashu Abrahamu?"

<sup>31</sup> A ri, "Phanda ha musi Abrahamu a tshi vha hone, NDI NNE." Uyu NDI NNE ho vha hu nnyi? Khavhu ya Mulilo kha tshitaka tshi dugaho, tshihumbudzi tshine tsha dzula tshi hone kha murafho muñwe na muñwe; hu si uyo murafho fhedzi, fhedzi uno murafho, Khavhu ya Mulilo nthihi. Nahone ri livhuwa ano matsheloni ngauri ri na tshifanyiso Tshayo, zwine zwa amba uri Ha athu u shanduka. Ndi ene A Sa FI, wa u ya nga Hu Sa Fheli, Ene Mufhaṭutshedzwa. U ita zwithu zwithihi zwino zwe A ita zwila murahu, nahone zwi ri ita uri ri pfe ro takala hani.

<sup>32</sup> Fhedzi phanda ha musi Paulo a tshi ḥanganedza hetshi tshenzhemo... A tshi zwi ḫiyha uri Muruñwa wa Murena o vha a Khavhu ya Mulilo, ye ya vha i Kristo, ene... Zwo luga, O vha a Muruñwa wa Mulanga, we a vha a Kristo. Mushe o elekanya khwiñe, uri, u nanga u tambula mañhupho na vhathu vha Kristo, na u rangwa phanda nga Kristo, u fhira lupfumo lwothe lwa Egipita. O tevhela Kristo, we a vha a Khavhu ya Mulilo.

<sup>33</sup> Zwenezwo Kristo a ri, "Ndi bva ha Mudzimu," musi A fhano kha lifhasi, "Ndi humela ha Mudzimu." Nga murahu ha lufu Lwawe, u swiṭwa, mvuwo, muvhili wo galafhadziwaho tshandani tshaulla tsha Muhulwane, uri a rabelele; Paulo a Mu vhona sa Khavhu ya Mulilo, hafhu: Tshedza tshe tsha swingisa maṭo awe, tsho ṭoda u ralo; tsha mu pofudza.

<sup>34</sup> Petro o Mu vhona a tshi dzhena khotoni sa Tshedza, nahone a vula miñango phanda hawe musi a tshi ṭuwa. Ri wanulusa uri O vha a Alfa na Omega, Mathomo na Magumo.

<sup>35</sup> Huno khoyu U fhano na riñe, ḥamusi, a tshi ita zwithu zwithihi zwe A ita murahu ngei, a tshi Divhonadza murahu kha riñe, a tshi zwi sumbedza kha shango ḥa tshi saints.

<sup>36</sup> Oo, kha iyo awara khulu ya swiswi na u vilingana kha lifhasi, ri tea u vha vhathu vho takalaho nga maanda kha lifhasi loṭhe, ri tshi pembelela, u divha. Tshifhinga tshoṭhe, musi vhathu vho honelwa, na tshaka dzoṭhe dza dziizimu na zwithu kha lifhasi, huno fhedzi, ḥamusi, wa vhukuma, Mudzimu a tshilaho, nga Ipfi Lawe na nga vhutanzi Hawe vhu vthonalah, a tshi ri sumbedza uri U fhano na riñe, u khou shuma, u khou tshimbila, u khou tshila, u ita nga ndila i fanaho kokotolo sa zwe A dzulela u ita. Ri vhathu vho khathutshelwaho hani, nga u vha na hezwi! Ri tea u... Bivhili yo ralo, zwenezwo, kha ndima ya vhu<sup>2</sup>, "Ri tea u farelela kha hezwi zwithu. Ngauri, ri ḥo ponya hani arali ra nyadza u tshidzwa huhulu nga u rali?"

<sup>37</sup> Zwino, ri ḥa kha u wanulusa, phanda ha musi Paulo a tshi ḥanganedza itsho tshenzhemo... Zwino, ri khou gwa. Zwino, hu si na ndavha uri ni na tshenzhemo tshifhio, tshivhidzo, ndi khou ṭoda u ni vhudzisa zwiñwe zwithu. Hu si na ndavha uri tshi vthonala tshi tsha vhuđi hani, uri tshi vthonala tshi tsha vhukuma hani, tshi tea u thoma u lingwa nga Bivhili. Tshifhinga tshoṭhe nga Ipfi! Ni so ngo vhuya na ḥutshela Izwo, kha tshenzhemo tshiñwe na tshiñwe.

<sup>38</sup> Huno Paulo, phanda ha musi a tshi zwi ḥanganedza, o tsela fhasi Arabia, huno a dzula heneffo lwa miñwaha miraru, a tshi ṭola hetshi tshenzhemo nga Ipfi. Huno musi a tshi vhuya murahu, o vha a na vhutanzi. Ho vha hu si na tshire tshi nga mu thithisa, ngauri o vha o oma kha Ipfi, a sa dzinginyisei. Huno hafha ndi hune a khou rembuluwa u sumbedza havha Vhahevheru, izwo zwithu zwiñhulu zwe zwa ambiwa, zwa Thestamente ya Kale, zwo vthonadzwa kha Yesu Kristo. Vhugala vhuhulu hani!

<sup>39</sup> Zwino, Swondaha yo fhiraho, kana ḥavhuraru ḥo fhiraho, Mukomana Neville hafha, kha ndima ya vhu<sup>5</sup>, o amba nga huñwe fhethu huhulu, ngauri ndi ndima ya vhuđi. Huno ri mu wana a tshi khou amba nga ndima ya vhu<sup>4</sup>, Swondaha yo fhiraho, malugana na Savhatha, u tevhedza Savhatha. Ni na vhutanzi, ano matsheloni, ni a ḥivha uri u tevhedza Savhatha

ndi mini? Arali ni tshi ralo, i ri ni, "Amen." [Tshivhidzo tshi ri, "Amen."—Mudz.]

<sup>40</sup> *Savhatha* ndi "Vhuawelo" he ra dzhena khaho, hu si nga ḫuvha, hu si nga mulayo, fhedzi nga u dzhena kha Kristo ane a vha Savhatha yashu. Ndi ene Savhatha yashu. Ri zwi sumbedza kha Thestamente ya Kale, nahone ra sumbedza uri tshifhinga tshi do swika tshire Ipfi la do swika kha "mutalo kha mutalo, mulayo kha mulayo." Nahone O sumbedza uri ro dzhena kha Vhuawelo Hawe nga ḫuvha la Pentekoste, "Ngauri hezwi zwi do ita uri vho netaho vha awele, vha ime."

<sup>41</sup> Ri wanulusa, u ri, "Mudzimu o fhungudza ḫuvha kha Davita, malugana na ḫuvha la vhusumbe." Huno, "Mudzimu o wela nga la vhusumbe." A li netshedza kha—kha vhana vha Isiraele ngei sogani. "Huno hafhu, O fhungudza ḫuvha." Lo vha ḫuvha liphio? Linwe ḫuvha kha vhege? "Duvha line na pfa Ipfi Lawe, ni so ngo rindidza mbilu yanu." Ilo ndi ḫuvha line A khou dzhena khalo, uri a ni neye mulalo wa u ya nga Hu Sa Pheli, Savhatha ya u ya nga Hu Sa Pheli.

<sup>42</sup> A ni yi tshivhidzoni nga Swondaha, uri ni vhe wa vhurereli, zwenezwo. Musi no bebiwa nga Muya wa Mudzimu, ni dzhena kha Vhuawelo lwa tshothe, a hu tshe na u tevhedza savhatha. Ni kha Savhatha, u ya na u ya, lwa tshothe, na lwa u ya nga Hu Sa Pheli. "Mishumo yanu ya shango yo fhele," Bivhili i ralo, "nahone no dzhena kha hoyu mulalo wo fhaṭutshedzeyaho."

<sup>43</sup> Hedzi ndima thanu dza u thoma dzi khou vheya Yesu vhuimoni sa Tshifhe Muhulu. "Mudzimu nga zwifhinga two fhambanaho na nga zwikhathi two khethekanaho o amba na vhokhotsi nga vhaporofita, fhedzi kha ano mađuvha a u fhedza nga Murwa Wawe, Yesu," ndima ya 1, ndimana ya 1.

<sup>44</sup> Zwenezwo u tsela fhasi u swika magumoni a ndima ya vhu5, ri Mu wana o fanyiswa sa "Melikesedeke, a si na mathomo a mađuvha, ha na magumo a vhutshilo hanu, fhedzi u dzula a Tshifhe lwa tshothe." Elekanyani ngazwo. Uyu Muthu muhulu ho vha hu nnyi? Ri do zwi wana, kha ndima mbili dzi no tevhela. Vhutshilo Hawe hothe, ri khou ya u guda. "Hoyu Muthu muhulu we a ḫangana na Abrahamu, a si na baba, a si na mma. Ha na tshifhinga tshe A thoma vhutshilo, kana Ha nga vhuyi a vha na tshifhinga tshire A do guma vhutshilo. Huno O ḫangana na Abrahamu a tshi khou bva u vhulaya khosi."

<sup>45</sup> Lavhelesani hoyu Muthu muhulu, A nga vha Nnyi kana nnyi, u kha di tshila. Ha na magumo a vhutshilo. Ho vha hu Kristo, we a ḫangana nae. Ri khou ya kha ngudo yo dzivhafhalaho ya izwo, nga mađuvha a si gathi.

<sup>46</sup> Zwino, ri khou ḫoda u thoma hafha kha ndima ya vhu5, u tou itela mvulatwinga ḫukhu phanda ha musi ri tshi dzhena kha—kha ya vhu6, ndi zwithu zwihihulu nga maanda. Lavhelesani nga

maanda. Ri khou ya u thoma kha ndimana ya vhu7 ya ino ndima. Zwo luga, kha ri thome kha ndimana ya vhu6.

*Vhunga o amba huñwe fhethu, Iwe u tshifhe lwa tshothe zwi tshi tevhela mbekanyo ya Melikesedeke.*

*Ane nga maduvha awe a ñamani yawe, musi a . . . o netshedza thabelo na khumbelo nga tshililo tshihulu . . . a lila kha . . . o vha ene we a kona u mu tshidza lufuni, nahone a pfiva kha izwo zwe a ofha;*

*Naho o vha a Murwa, fhedzi o guda . . . thonifho nga zwithu zwe a tambula;*

<sup>47</sup> Zwino hafha ndi hone hune nda khou ḥoda u swika hone, heyi ndimana ya vhu9. Thetshelesani. Ndi a kholwa Mukomana Neville o swika khayo, nga Lāhvuraru. Ndo vha ndi si ho fhano. Zwo luga, thetshellesani.

*Huno musi o itwa o khunyelelaho, a vha muñetshedzi wa u tshidzwa ha lini na lini kha avho vha mu thonifhaho;*

*A vhidzwa nga Mudzimu uri a vhe tshifhe muhulu zwi tshi tevhela mbekanyo ya Mañikesedeke.*

*Ane ri na zwithu zwinzhi zwa u amba ngae, . . .*

<sup>48</sup> Ri zwi litsha heneffo kha hezwo, ngauri ri khou ya u amba nga Mañikesedeke masiku a si gathi.

<sup>49</sup> Zwino ri khou ya u thoma kha hezwi, ngudo yashu yo doweleyaho. Ndi tama . . . Ndi do tou vhala hezwi zweþe nga tshikhalyana, ndimana ya vhu11.

*Ane hu na zwinzhi zwa u amba ngae, . . . zwi a kondà u zwi bula, ndi tshi vhona uri a ni pfi.*

*Ngauri musi . . . nga tshifhinga tshine na tea u vha vhadededzi, ni na ḥodeya ya uri muñwe a ni funze hafhu zwine zwa vha milayo ya u thoma ya nn̄du ya Mudzimu; nahone vho no vha vho ḥodaho mafhi, madzuloni a ñama yo khwaþhaho.*

*Ngauri muñwe na muñwe ane a shumisa mafhi ha na vhukoni kha ipfi livhuya: ngauri ndi lushie.*

Oo, ndi a kholwa uri Muya Mukhethwa wo dzhenisa izwo ngomu fhasi-fhasi hanu zwino.

*Ngauri uyo ane—ané a shumisa mafhi ha na vhukoni kha ipfi livhuya: ngauri ndi lushie.*

<sup>50</sup> Na ñeya lushie ñama yo dziaho, ni a lu vhulaya. Ndi ngazwo vhathu vhanzhi vha tshi ri, “Aha, a—a thi tendi izwo,” nahone vha ḥutshela kule. Vha kha di vha vhushie! Vha tou vha vha sa koni u pfectesa. A vha koni u gavha Ngoho. I—I ya vha vhulaya. Zwi hulu, zwithu zwa maanda zwine tshivhidzo tsha tea u diþha ñamusi, fhedzi a ni koni u Zwi funza. Vha—vha—vha—vha—vha ya khukhulea Ngazwo. A vha diþhi uri vha ite mini Ngazwo.

<sup>51</sup> Paulo, a tshi khou amba na hetshi tshigwada tsha Vhahevheru...Ee, u khou amba na matshudeni zwino, matshudeni, vho gudaho zwa vhudi. Ri wana izwo, nga—nga tshikhala tshi sa ri mini, vho gudaho vhukuma. Fhedzi Tshiphiri tsho dzivhafhalaho tsha tshimuya, tshivhidzo tshi tshe tsho pofula Khatsho. A ri, “Ho vha ho funa ni tshi khou funza vhañwe, ni kha di vha vhushie.”

<sup>52</sup> Oo, ndi a zwi divha uri hu na vhanzhi vhe vha vuwa nahone vha ḥuwa, “Oo, a thi tsha teya u ya tshivhidzoni. Thendo kha Mudzimu, Muya Mukhethwa wo da, ndi Ene mudededzi.” Musi ni tshi wana hokwo kuhumbulele, ni khou khakha. Ngauri ndi nga mini Muya Mukhethwa wo vheya vhadededzi tshivhidzoni, arali A tshi khou ya u vha mudededzi? Ni a vhona? Vha u thoma ndi vhaapostola, vhaporofita, vhadededzi, vhaevangeli, na vhafunzi. Muya Mukhethwa wo vheya vhadededzi ngomu tshivhidzoni, uri A koni u funza nga hoyu mudededzi. Huno arali zwi—zwi sa tevhelelani a Ipfi, Mudzimu a sa zwi khwathisedzi, zwenezwo a si pfunzo yone. I tea u tshimbilelana na Bivhili yothe, nahone i tea u tshila ḥamusi vhunga Yo ralo ngei murahu. Khezwo zwithu zwavhukuma zwi tshi khou vhonadzwa.

<sup>53</sup> Zwino lavhelesani.

*Fhedzi ḥama yo dziaho ndi ya avho vhane vha...vho aluwaho, na avho vhane nga mañaña vha shumisa... vha shumisa zwipfi zwavho u guda u ḥalukanya zwothe zwivhuya na zwivhi.*

U divha zwi re zwone na zwo khakheyaho, nga vhuṭalukanyi.

<sup>54</sup> Zwino lavhelesani, ri tshi khou thoma kha ngudo yashu zwino. Heyi mvulatswinga khulu zwino, kha ri ye kha ndimana ya vhu1.

*Zwenezwo ri tshi ḥutshela milayo ya pfunzo ya Kristo,...*

U khou ri mini? Ndima ḥthanu dza u thoma dzothe dzo vheiwa kha Kristo, u sumbedza uri ndi Ene Nnyi. Zwino ri khou ḥutshela heyo milayo ya pfunzo ya Kristo.

<sup>55</sup> Ri Mu wana uri u nnyi? Ri Mu wana uri ndi ene Yehova Mudzimu Muhulu o vhonadzwaho ḥamani. Ri Mu wana uri a—a si muporofita, fhedzi vhudalo ha muvhili wa Vhumudzimu. O vha a Yehova o itwa ḥama. Huno muvhili, Yesu, wo vha wo tou Mu thivheda. Mudzimu a tshi khou dzula kha muthu. Mudzimu a tshi khou pfumelela muthu, nga muthu, nga mabebo a musidzana tshipofu a Murwa Wawe Ene muñe. Huno Yehova, Muya, wo dzula Khae.

<sup>56</sup> Zwino, ndi vhangana vhane vha elelwa pfunzo malugana na Vhumudzimu, ro humela hani murahu nahone ra wana uri Mudzimu sa musengavhadzimu muhulu a na Muya yo fhambanaho, uri Yo vha i hani? Huno-ha Logos ya bva kha

Mudzimu, ye ya vha muvhili wa tshimuya, nahone wo vha u kha tshivhumbeo tsha muthu. Huno Mushe o U vhona u tshi fhira, kha phande ya tombo. Huno uyo muvhili wa tshimuya wa itwa ñama ya muthu, Kristo.

Huno ro wana uri riñe, nga tshilidzi Tshawe, ri na Vhutshilo Vhu Sa Pheli. Zwino, ipfi lwa *tshothe* ndi “tshikhala; tshikhala tsha tshifhinga.” Yo ri, kha Bivhili, “Lwa *tshothe na tshothe*,” liñanganyi. Fhedzi lwa *tshothe* zwi tou amba “tshifhinga.” Fhedzi u ya Nga Hu Sa Pheli zwi amba lwa *tshothe*. Nahone ndi zweþe zwi na mathomo zwine zwa vha na magumo, fhedzi zwithu zwi si na mathomo a zwi na magumo. Ngauralo Mudzimu ha na mathomo nahone Ha na magumo.

<sup>57</sup> Huno zwe ralo, zwe tou ralo, Melikesedeke, Tshifhe muhulu, vhunga muthu, Ha na mathomo nahone Ha na magumo. Huno musi riñe, nga muvhili wa tshimuya, we, ro vhumbwa ri tshi fanyiswa na Mudzimu phanda ha musi shango li tshi vhumbwa; musi uyo muvhili wa tshimuya u tshi itwa ñama nahone wa dzula vhukati hashu, zwenezwo, nga lufu Lwawe, riñe vhanë ro þanganedza Muya Wawe nahone a ri na magumo; Vhutshilo Vhu Sa Pheli; hu si Vharuñwa, fhedzi vhanna na vhasadzi. Oo, ndi... Nga inwe ñdila, arali nda zwi wana nga ñdila ine vhanga—vhathetshelesi vhanga vha ðo zwi gavha! Ni nga si vhuye na vha Muruhwa. Mudzimu o sika Vharuñwa, fhedzi Mudzimu o sika vhathu. Nahone zwine Mudzimu a ita zwi bva kha Mudzimu, zwine zwa vha zwa u ya Nga Hu Sa Pheli vhunga Mudzimu o ralo. Nahone muthu ndi wa u ya nga Hu Sa Pheli sa Musiki wawe, ngauri o vhumbwa zwi tshi bva kha zwa Lini na lini.

<sup>58</sup> Fhedzi tshivhi tshi na magumo, u tambula zwi na magumo. Zwe ralo, hu nga si vhe na hele ya u ya Nga Hu Sa Pheli. Hele i hone, mulilo na tsevhela, izwo ri a zwi ðivha, fhedzi a hu na hele ya u ya Nga Hu Sa Pheli. Hu tou vha na lushaka luthihi lwa Vhutshilo Vhu Sa Pheli nahone ulwo lu wela kha Mudzimu. Arali ni tshi ðo tambula lwa *tshothe*, ni na Vhutshilo Vhu Sa Pheli. Hele i na magumo, zwi nga dzhia miñwaha ya dzibiloni, fhedzi zwi ðo vhuya zwa swika magumoni.

<sup>59</sup> Bivhili a i zwi ambi, na huthihi, uri vha tambula lwa u ya nga Hu Sa Pheli, yo ri, “Lwa *tshothe na tshothe*.” Yona o elekanya uri o vha a thumbuni ya khovhe ya vhimbi “lwa *tshothe*,” naevho. Lwa *tshothe* li na tshikhala kana tshifhinga tshi gumaho. Fhedzi u ya Nga Hu Sa Pheli zwi dzulela u ya phanda, a zwi na mathomo kana magumo. Zwi tou fana na rinngi, gulungwa. Huno musi tshifhinga tshashu tshi tshi tshimbila, ri khou tou mona na tshipikwa tshihulu tsha Mudzimu.

<sup>60</sup> Tshipikwa tsha Mudzimu ho vha u vhumba muthu tshifanyiso Tshawe, uri a ledzane Nae. Huno A mu ita muthu a kwameyaho. Zwino, tshivhi tshi ri swikisa fhethu ha—ha—ha u sina, fhedzi izwo a zwi ngo vhuya zwa imisa mbekanyamushumo

ya Mudzimu. Huno, khonani yanga ya muitazwivhi, ḥamusি, arali ni so ngo bebwā hafhu nga Muya wa Mudzimu, ni na magumo huṁwe fhethu. Nahone magumo anu ndi tshinyalo, kha u tshinyadzwa, na u tambula na u ṭhukhukana. Fhedzi kha vhoiwi no tendaho kha Murena Yesu, na ṭanganedza zwithihi sa Mutshidzi waṇu, ndi zwa u ya Nga Hu Sa Pheli vhunga Mudzimu a wa u ya Nga Hu Sa Pheli. A ni na magumo, “Ndi vha neya Zoe ya u ya Nga Hu Sa Pheli, Vhutshilo ha Mudzimu ene muṇe, nahone a vha nga lovhi kana u da kha khaṭhulo, fhedzi vho fhira u bva kha lufu u da kha Vhutshilo.” Ndi zwone zwe A vha a zwone. Ndi zwone zwe A ḫela zwone.

<sup>61</sup> Zwino, Yesu, kha u vhuya Hawe, ha vhutshifhe Hawe, ho ngo ḫela u pfelwa vhuṭungu. Vhathu vhanzhi vha zwi funza ngauralo, uri O ḫa, vha tshi ri, “Zwo luga, khaṇwe arali nda tambula, ndi do vha ene—ene—ene a ṭungufhadzaho nahone vhathu vha ḫo ḫa kha Nne.” Uvho ndi vhukhakhi. A hu na Luṇwalo lwa izwo.

Ngauri, muthu muṇwe na muṇwe ane a ḫo tshidzwa, Mudzimu o vha ḫivha shango li sa athu u vhumbwa. Bivhili yo ralo. Mudzimu ha funi, zwino, uri muṇwe muthu a lovhe. U khou vha ḫoda vhothe vha tshi rembuluwa. Fhedzi, ngauri a vha Mudzimu, nga u ḫivhela phanda O zwi ḫivha.

<sup>62</sup> Lavhelesani kha Vharoma, ndima ya vhu8. Paulo o vha o farelela heneffo, a tshi amba nga u khetha ha Mudzimu, u ri, “Esau na Yokobo, phanda ha musi lushie na luthihi lu sa athu u bebwā, kana tshinwe tshithu, Mudzimu o amba uri O vha ḫivha nahone O vhenga Esau nahone a funa Yakobo,” phanda ha musi mutukana na muthihi wavho a—a tshi vha na tshikhala tsha u vhonadza ndivhuwo dzavho, ngauri O vha a Mudzimu. U ya ḫivha... Ha na magumo. Arali A si na magumo, U ḫivha tshinwe na tshinwe tshi fhufhaho, tshisusu tshinwe na tshinwe, tshilavhi tshinwe na tshinwe, tshinwe na tshinwe tshine tsha ḫo vha hone kha ḫifhasi, U ya tshi ḫivha. Ha na magumo, ndi wa u ya Nga Hu Sa Pheli, ha fi, Mudzimu mufhatutshedzwa, ramaanda, muwanala hoṭhe, muḍivha zwoṭhe. A hu na tshine a si tshi ḫivhe. Ndi ngazwo A tshi kona u amba uri magumo a ḫo vha hani. U ḫivha magumo a mathomoni.

<sup>63</sup> Zwine zwa vha zwa tshiporofito ndi ndivho Yawe. Ndi ene ramulayo muhulu. Ndi Ene—ndi Ene—ndi Ene Muhaṭuli. Huno U tou amba na—na muimeleli wa mulayo nga vhuṇwe vhuṭali Hawe. Huno ndi zwone zwine vhiporofita ha vha zwone, vhu ya kona u dzula ho zwi amba, ngauri U ya ḫivha zwine zwa khou ya u itea. Zwino, hu na Mudzimu ane ra mu shumela. Hu si mudzimu wa ḫivhazwakale, hu si u fana na Vhabudda na Vhahomedeni, na vhaṇwe. Fhedzi, Mudzimu ane a wanala hothe, zwino heneffha, ano matsheloni, kha ino theberenakele zwino; Yehova Muhulu, NDI NNE, We a ḫivhumba lwa u ḫitukufhadza, uri a dzhiye tshivhumbeo tsha ḥama ya tshivhi. Khoyu U fhano.

Ndi Ene we a ni rengulula. Hu nga si vhe na muñwe, na fhethu na huthihi, na luthihi ane a nga zwi ita.

<sup>64</sup> Mudzimu o vha a si na vhathu vhararu n̄tha hafho, huno a rumela muñwe wavho, Murwa Wawe. Ho vha hu Mudzimu, Ene muñe, we a da kha tshivhumbeo tsha Murwa. Murwa u na mathomo, nahone Murwa o vha a na mathomo. Izwo, vhañwe vha vhoiñwi vhathu vha funeaho vha Katolika, ndi na bugu ya vhoiñwi, *Mbuno Dza Lutendo Lwashu*, ni ri, "Vhurwa ha u ya nga Hu Sa Pheli ha Mudzimu." Ni khou ya u sumbedza hani ilo ipfi? Ni khou ya u li ita hani uri li ambe? Li nga vha hani la u ya Nga Hu Sa Pheli? Iyo a si Bivhili. Iyo ndi bugu yanu, "Vhurwa ha u ya Nga Hu Sa Pheli." A vha ralo... Ilo ipfi lo khakheya. Ngauri, tshiñwe na tshiñwe tshine tsha vha murwa tshi na mathomo, nahone tsha u ya Nga Hu Sa Pheli a tshi na mathomo, ngauralo a si vhurwa ha u ya Nga Hu Sa Pheli. Kristo o vha ñama nahone a dzula vhukati hashu. U na mathomo. A si vhurwa ha u ya Nga Hu Sa Pheli. Ndi Vhummudzimu ha u ya Nga Hu Sa Pheli, hu si vhurwa. Zwino, O da u ri rengulula, nahone O ri rengulula.

<sup>65</sup> Zwino, Paulo, ri tshi khou dzhena henefho, zwine ndi na vhuñanzi uri kha ngudo dzo fhiraho no zwi pñsesa. Ri do dzhena khazwo hafhu, tshiñwe tshifhinga, Murena a tshi funa, ndimana nga ndimana. Zwino.

*Zwenezwo ri tshi ralo... ri tshi tutshela yone—yone milayo ya pfunzo dza Kristo, kha ri ye kha u khunyelela;...*

<sup>66</sup> Izwo zwi a vha khukhula. A zwi ralo? Kha ri ite mini?

... kha ri ye kha u khunyelela; ri si tsha vheya hafhu mitheo...

<sup>67</sup> Lavhelesani hezwi. Kha ri wane ipfi "u khunyelela." Ni a zwi ñivha uri hu tou vha na ndila nthihi ine na do kona u ima Vhuhoneni ha Mudzimu? Nga, u khunyelela. Mudzimu a nga si kondelele zwithu zwi si zwikhethwa.

<sup>68</sup> Huno vhoiñwi vha mulayo: ni nga ñiita vho khunyelelaho hani, ngeno ni si na tshithu tsha u dikhunyeledza ngatsho? No bebelwa tshivhini. Kuhumbulele kwañu kwo vha ku kwa tshivhi. Lutamo lwañu lwa u vha fhano ho vha tshivhi. "No bebelwa tshivhini, na vhumbwa vhutshinyini, na da shangoni ni tshi amba mazwifhi." Zwino ni khou ya u ima ngafhi?

<sup>69</sup> Ni ngafhi, muitazwivhi, we—we na ri, "Ndi do litsha u daha. Ndi do ya Tađulu"? Ni ngafhi, mududeli, galatshane, ni vhidzwaho Mukriste, vha ne na monamona hafha na tshifhañuwo tshilapfu ni tshi ralo, u ri, "Zwo luga, ndi wela fhasi ha tshivhidzo"? Inwi muitazwivhi. Ndi zwone. Nndani ha musi no bebwña nga Muya wa Mudzimu, no xela. Ndi ngoho.

<sup>70</sup> Ni khou ya u dzhena hani Tađulu? Ni ri, “A thi athu u zwifha vhutshiloni hanga.” “Oo, mufuňwa. Ho—ho vha hu Muruňwa, na u rangani hazwo.” Ayo ndi mazwifhi. A thi na ndavha uri ni wa vhuđi hani; ni muitazwivhi. Huno a ni na tshithu na tshithihi; a hu na tshifhe, a hu na mubishopho, a hu na muprista, a hu na mupapa, kana tshiňwe tshithu-vho tshire tshi nga ni tshidza, ngauri nae u kha gungwa lithihi line na vha khalo. Ri khou ya u dzhena khazwo nga miniti i si gathi. U kha tshivhumbeo tshithihi. O vha a...mupapa wa Roma o bebwa tshivhini, a vhubwa vhutshinyini, a ḏa shangoni a tshi amba mazwifhi, o bebwa nga lutamo lwa munna na musadzi. Ni khou u ya u wana ngafhi zwivhuya kha izwo?

<sup>71</sup> “Zwo luga, baba vhawe na mma vho bebwa nga ndila nthihi, nahone vho bebwa nga ndila nthihi, na makhulu wawe vha mukalaha na vha makhulu vha mukegulu na hothe u ya murahu.” Ndi tshivhi, na u rangani hazwo!

<sup>72</sup> Ngauralo ni nga kona uri *hezwi* ndi zwikhethwa nahone *izwo* ndi zwikhethwa? Hu tou vha na tshithu tshithihi tshikhethwa, itsho ndi Yesu Kristo, Murwa wa Mudzimu a tshilaho, We a itwa o Khunyelelaho. Nahone ḥodeya yashu ndi u vha vho khunyelelaho. Zwino, ri khou ya u vha hani izwo? Zwi lingedzeni, inwi muňe. Ndi do nyala u ya Tađulu n̄ha ha uri, “Ndo bebwa miniti miňanu yo fhiraho, nahone ndi khou ṭutshela shango zwino.” Ndi do vha ndo xela. Arali ndi sa athu u vha na ngelekanyo mmbi vhutshiloni hanga, arali ndi sa athu u amba ipfi livhi vhutshiloni hanga, arali ndi sa athu u lavhelesa kha tshithu tshivhi, ndi sa athu u elekanya tshithu tshivhi, kana tshiňwe tshithu, ndi tou vha kha vhuimo nahone ndi mutswu sa mbondo dza ḥamba ḥa dza heleni. Ndi muitazwivhi.

<sup>73</sup> Ndi nga bvelela vhutshiloni nahone nda dzula ndo dihoňela n̄duni, huno u fana na dzinwe dzikhaladzi dza Carmelite kana zwiňwe zwithu, nahone ndi si vhuye nda vhona shango, nda dzula heneffo nahone nda rabela vhutshilo hanga hothe, nda ita zwivhuya, nda bebwa ndi na dzimilioni dzi tshi vhalwia lwa milioni nahone nda netshedza zwishai zwothe zwine nda vha nazwo, ndi kha ḥi vha muitazwivhi nahone ndi do ya heleni. Ee, muňe wanga.

<sup>74</sup> Ndi nga vha murado wa tshivhidzo tsha Luđere, Baphuthisi, Pentekostala, Phuresibatherieni, musi ndi kha mutevhe wa madzina a vhana, nahone nda tshila nga u fulufhedzeya kha itsho tshivhidzo u swika kha miňwaha ya dana, huno vhutshilo hanga ha ḥuswa, nahone ha sa vhe na muthu ane a nga ntsumba nga muňwe nahone a ri “Ho ngo vhuya a vha na ngelekanyo mmbi,” ndi do ya heleni zwi khagala u tou fana na musi ndo ima hafha.

<sup>75</sup> Ndi muitazwivhi. Ndi zwone. A thi na tshithu. A hu na inwe ndila, na luthihi, ndi nga ralo u—u wana mutengo muňwe na

muñwe wa u badelwa. Mudzimu u ḥoda lufu. Huno arali nda ɻetshedza vhutshilo hanga, arali nda ɻetshedza vhutshilo hanga, zwenezwo ndi do rembuluwa hani? Ngauri, no... Tshikolodo tshi tea u lifhiwa, u ranga. Nahone Mudzimu o vha a Ene a eþe ane a nga vheya vhutshilo Hawe fhasi nahone a Vhu vusa hafhu. Ngauralo A nga vha tshivhi, nahone a vheya Vhutshilo Hawe fhasi huno a Vhu vusa, huno a zwi vhidza "vhulamukanyi," huno tshikolodo tsho lifhiwa. Khezwo-ha.

<sup>76</sup> Zwino kha ri vule kha Mateo, ndima ya vhu8, ndi a tenda ndi yone, ndima ya vhu7 kana ya vhu8. Ri do vhaba zwine Yesu a amba hafha. Zwo luga. Ndi Mateo, ndima ya vhu5. Huno yone... Yesu, o rera, a tshi khousa kha gogo, ndimana ya vhu47.

*Huno arali ni tshi ɻhonifha vharathu vhanu fhedzi, ndi zwifhio zwine na ita u fhira vhañwe? na tshitshavha a tshi ralo...?* (Lavhelesani.)

Fhedzi ivhani no khunyelelaho,... (Mini?)

*Ivhani no khunyelelaho, vhunga Khotsi aŋu vha re ṫadulu vho khunyelela.*

Izwo ndi zwe Yesu a laya, "Ivhani nga u ralo."

<sup>77</sup> Vha ri, "A hu na muthu ane a nga khunyelela, Bivhili yo ri, 'A hu na o khunyelelaho.' Phambano yaŋu kheyō." Zwo ralo? Zwo luga.

<sup>78</sup> Ni nga si khunyelele nga inwi muñe. Arali ni tshi khousa fulufhela zwine na ita, no xela. "Ngauralo khunyelelani, ni khunyelele vhunga Mudzimu o khunyelela." Zwino:

*Ivhani vho khunyelelaho, vhunga Khotsi aŋu... vha re ṫadulu vho khunyelela.*

<sup>79</sup> "Ngauralo..." Zwino ndima ya vhu5, ndima ya vhu6 ya Vhahevheru.

*Zwenezwo ri tshi ɻutshela milayo ya pfunzo dza Kristo, kha ri ye kha u khunyelela;...*

<sup>80</sup> Zwino, inwi, Theberenakele ya Branham. Oo, ndi a zwi divha, "Ri na phodzo." Izwo ndi zwa vhudi. "Ri na mabono." Oo, izwo—izwo zwo luga. Nahone ni na miloro ya tshimuya, nahone tshiñwe tshifhinga a si miloro ya tshimuya. Huno—huno tshiñwe tshifhinga ni... "Rine, ri lingedza u thusa vha ɻungufhadzaho. Ri ita zwine ra kona." Oo, izwo zwo luga zwoþhe, fhedzi a si zwone zwine ra khousa amba ngazwo zwino. Ri khousa dzhena kha luñwe luþa.

. . . ri tshi ɻutshela . . . pfunzo . . .

<sup>81</sup> "Oo, ee, ri na pfunzo dza Kristo. Ri tenda uri O vha a Murwa wa Mudzimu, o bebwa nga musidzana tshipofu. Izwo ri a zwi tenda, na hezwi zwithu zwoþhe." Izwo ndi zwa vhudi.

<sup>82</sup> Fhedzi, "Ri tshi ɻutshela izwo, kha ri ye kha u khunyelela." Oo, nn̄e-nn̄e! Ndi tama arali ndo vha ndi na ipfi la muruñwa

muhulu zwino, uri ndi dise hezwi fhethu hune na kona u zwi vhona. Zwino u ri, “Ri tshi tutshela pfunzo dzothe dza Kristo,” dzothe zwa—zwa vhorathiolodzhi, na thiolodzhi yothe ine ra i divha, zweathe malugana na Vhukhethwa ha Kristo, uri O vha a Mudzimu hani o itwa nama, hezwi zwithu zweathe.

<sup>83</sup> Paulo a isa phanda na u zwi talutshedza zweathe hafha, nga miniti i si gathi. Kha ri tou zwi vhala, zwitukunyana, phanda ha musi ri tshi dzhena khazwo.

*... u vheya hafhu mitheo ya thembuluwo u bva kha mishumo yo faho...*

Zwino, izwo ri a zwi tenda.

*... na lutendo kha Mudzimu,*

Izwo ri a zwi tenda.

*Na zwa pfunzo ya dzindovhedzo,...*

Uri ni tea u lovhedzwa hani, izwo ri a zwi tenda.

*... na zwa u vheiwa ha zwanda,...*

Ri a tenda kha u vheiwa ha zwanda. A ri ralo? Ni a vhona, izwo zweathe, zwo tou ralo.

*... na zwa yone mvuwo ya vhafu,...*

<sup>84</sup> Izwo ri a zwi tenda. Zwino lavhelesani. Ni a vhona afha, “Khaṭhulo,” yo shumiswa, “U ya Nga Hu Sa Fheli.” Izwo ndi lwa tshothe. Musi Mudzimu a tshi amba khaṭhulo, ndi ya tshothe. Zwenezwo, hu nga si tsha vha na pfumedzana nga murahu ha musi khaṭhulo yo fhira. Zwino ni nga kona u pfesesa uri ndi ngani Mudzimu o dzhia Vhawe Ene muñe—Vhawe Ene muñe, sa zwine ra zwi vhidza, mushonga Wawe Ene muñe. Musi A tshi haṭulela vhathu u tshinya, ndila i yothe ine A nga pfumedzana, ho vha u dzhia vhuimo ha muthu nga Ene muñe. Iyo ndi yone ndila i yothe ine a nga pfumedzana, kana u ri pfumelela, ho vha u dzhia vhuimo hashu nahone a vha muitazwivhi. Mudzimu, Yehova, o vha muitazwivhi, nahone A netshedza vhutshilo Hawe.

<sup>85</sup> Zwino, ni nga netshedza vhutshilo hanu, sa muitazwivhi, uri ni fe ni tshi fela izwo. Paulo o ri, “Naho nda netshedza muvhili wanga uri u fhiswe sa tshithavhelo, a thi tshithu,” ngauri zwi nga si shume. Ni a vhona, musi ni tshi fa, no tuwa. Ni fa sa muitazwivhi, no xela.

<sup>86</sup> “Fhedzi Mudzimu o tsela fhasi namani, nahone a haṭula tshiyhi namani, o itwa nama ya tshivhi.” Ngauri, O vha a Mudzimu wa u ya Nga Hu Ša Fheli, nahone a vusa muvhili Wawe Ene muñe, ngauralo ndi Ene Mulamukanyi.

<sup>87</sup> Zwino, hezwi zwithu zweathe, “Kha ri ye kha u khunyelela,” Paulo u ralo. Zwino mini?

*... zwa khaṭhulo ya u ya nga hu sa fheli.*

...ri ḍo ita hezwi, ...Mudzimu o funa. (ndimana ya vhu3.)

<sup>88</sup> Zwino, “Kha ri ye kha u khunyelela.” Yesu o ri, “Ivhani vho khunyelelaho, vhunga Khotsi aṇu wa Ṭadulu vho khunyelela.”

Huno ro ralo, roṭhe, u haṭulwa. Hu si na ndavha na zwine ra ita, ro haṭulwa. Ro bebwa, ro haṭulwa. Mma waṇu na baba vho bebwa, vho haṭulwa. Vhaṇu, vhomakhulukuku vhaṇu vhoṭhe vho bebwa tshivhini, vha vhumbwa vhutshinyini. Ngauralo ni khou ya u zwi wana hani? Ni khou ya u khunyelela hani? Arali ni sa athu u ita tshithu, ni sa athu u tswa, ni sa athu u zwifha, ni sa athu u ita tshithu vhutshiloni hanu, naho zwo ralo no haṭulwa. No haṭulwa phanda ha musi ni tshi fema mufemo wanu wa u thoma. No vha no haṭulwa. Izwo ndi zwone. Nahone no haṭulwa nga Mudzimu phanda ha musi ni tshi fema mufemo wanu wa u thoma. Ngauri no vha no haṭulwa, nga lutamo lwa vhudzekani lwa khotsi aṇu na mme vhané, nga nyito, vho ni disa fhano kha lifhasi. Huno Mudzimu o zwi haṭula, u rangani. No haṭulwa, na mathomoni azwo. Ngauralo ni ngafhi...Na muthu muñwe na muñwe kha lifhasi o haṭulwa na iñwi. Zwino ni khou ya u wana u khunyelela ngafhi?

<sup>89</sup> Lavhelesani. Kha ri vule lwa tshikhalyana kha Vhahevheru, ndima ya vhu10. Thetshelesani nga maanda. Ndi khou ṭoda u vhala zwiṭukunyana zwa ndima ya vhu9, u thoma, ndimana ya vhu11.

*Fhedzi Kristo o vha tshifhe muhulu wa zwithu zwivhuya zwi daho, nga theberenakele khulu nahone yo khunyelelaho nga maanda, theberenakele Yawe Ene muñe, nama Yawe, ...*

<sup>90</sup> Ni a vhona, theberenakele ya kale...No dzhiela nzhele? Theberenakele ya kale yo vha i na luvhemba, lune lwa dzumba mbulungelo ine Mudzimu a dzula khayo. Ndi vhangana vhané vha ñivha izwo? Zwo tou ralo. Zwo luga, iyo theberenakele ya kale yo itwaho nga muthu hafha, maxarađeni a tshi bva kha mukumba wa mbudzi wo penndwaho, na zwiñwe zwinzhi, yo itwa uri i vhe theberenakele ya u dzumba Vhuhone ha Mudzimu. Ndi vhangana vhané vha zwi ñivha uri muthu muthihi fhedzi o vha a tshi dzhena ngomu luthihi kha ñwaha? [Tshivhidzo tshi ri, “Amen.”—Mudz.] Ngangoho. Uyo o vha a Aroni, o vha a tshi dzhena ngomu luthihi kha ñwaha. Nahone u tea u doliswa. Huno—huno, oo, ṭhodeya! Nahone u tea u vha na mulilo tshandani tshawe; huno arali a dzhena a si na izwo, u fa musi a tshi tou tibula ulwo luvhemba. O vha a tshi wa a fa. U tea u dzhena ngomu heneffo nahone a funga hezwi zwiṭomambone, huno a shasha tshidulo tsha khathutshelo tshine tsha vhidzelela, malofha a lufu, tshiimeleli tshine vha vha natsho, u swika Kristo a tshi da u zwi vuledza.

<sup>91</sup> Zwino, fhedzi, Mudzimu a vha luňwe lushaka lwa theberenakele. Huno iyo theberenakele ho vha hu Nnyi? Yesu. Huno Mudzimu a vhumbwa ngomu ha Yesu, nahone A dzumbamiswa, fhedzi O vha a tshi khou pfumedzanya shango kha Ene muňe, nga mbonalo Yawe. Kristo o dzumbulula Mudzimu. O ri, “A si Nne aye a ita mishumo. Ndi Khotsi Anga vha dzulaho kha Nne. A thi iti tshithu nga Nne muňe fhedzi zwine Nda vhona Khotsi anga vha tshi ita. Khotsi kha Nne, ndi vhone vha no khou Ntsumbedza haya mabono, huno Nda ya nda ita kokotolo zwine Khotsi vha khou Mmbudza uri ndi ite.” Ni khou zwi wana? Mudzimu o vha a ngomu ha muvhili wa muthu, hu si murahu ha penned ya mukumba wa mbudzi, fhedzi o vha a tshi khou tshila, a tshi khou tshimbila. Mudzimu o vha a na zwanda; Mudzimu o vha a na milenzhe; Mudzimu o vha a na lulimi; Mudzimu o vha a na maþo; ho vha hu Kristo. Khoyo A heneffho.

<sup>92</sup> Zwino, A  uwa, huno Muya wa da kha izwo, uri nthia ha lufu Lwawe A khunyeledze Tshivhidzo nahone a swikise Tshivhidzo kha u ditukufhadza. Huno-ha Muya muthihi we wa vha u kha Kristo u kha Tshivhidzo, u ita zwithu zwithihi zwe Kristo a ita. “Hu si kale shango a li tsha do Mmbona; fhedzi vhoinwi ni do Mmbona, ngauri Ndi do vha ndi na vhoinwi, nahone ndi kha vhoinwi, u swika magumoni a shango.”

<sup>93</sup> Zwino thetshellesani hezwi.

*Fhedzi Kristo o vha tshifhe muhulu wa zwivhuya zwi daho, nga theberenakele khulu nahone yo khunyelelaho zwihulu, i so ngo itwaho nga zwanda, izwo ndi u ri, hu si itsi tshifha;*

Ho ngo itwa nga zwanda. O bebwa hani? Ndi mbebo ya musidzana tshipofu.

*Nahone hu si nga malofha a dzimbudzi na  amana, uyu muvhili wo vhuya wa nekedzwa sa tshi havhelo kana u khethefhadzwa, fhedzi nga malofha awe ene mu e...*

<sup>94</sup> Ni a zwi  ivha uri malofha a bva kha mbeu ya tshiduna. Huno muňwe muthu u ri, “Oo, Yesu o vha a Muyuda.” O vha a si Muyuda. “Oo, ro tshidzwa nga malofha a Muyuda.” Hai, a ro ngo ralo. Arali ro tshidzwa nga malofha a Muyuda, ri tshe ro xela.

Yesu o vha a si Muyuda, nahone o vha a si Wannda. O vha a Mudzimu: Mudzimu Khotsi, Muya, Ene a sa vhoniwi. “A hu na muthu o no vhonaho Mudzimu na luthihi, fhedzi mubebwa a e he nga Khotsi o Mu khwathisedza.” O vhonadza Mudzimu, zwe Mudzimu a vha a zwone.

<sup>95</sup> Zwino Tshivhidzo Tshawe tshi khou tea u vhonadza Mudzimu, u sumbedza zwine Mudzimu a vha zwone. Ni a vhona?

Ri ita mini? U  ivhumba ra vha dzangano, huno, “A thi kwamani navho. Ndi Vhamethodisi. Ndi Vhaphuresibatherieni.

A thi Ძodi vhukwamani *navho*. Ndi Mubaphuthisi. Ndi Mupentekostała.” Hoh! No xela, na idzo ngelekanyo. Ndi zwone.

<sup>96</sup> Ndi nnyi ane a nga fhembeledza? Ndi nnyi ane a nga amba tshiñwe tshithu? Lavhelesani kha zwi shonisaho zwe Vhaphuresibatherieni vha bveledza. Lavhelesani kha zwi shonisaho, zwa Vhabaphuthisi. Lavhelesani kha zwi shonisaho, zwa Katolika. Lavhelesani kha zwi shonisaho, zwa Vhapentekostała, Vhanazarene, Vhafhiri Vhakhethwa. Lavhelesani khavho vhothe.

Fhedzi, ndi ni linga uri ni sumbe tshanda tshithihi, kha zwi shonisaho, kha Izwo. Ee. Sumbani muniwe muthihi, musi Mudzimu Ramaanda a tshi ri, “Hoyu ndi Murwa mufuniwa Wanga ane khae Ndī takalela u dzula. Mu pfeni.” Khoyo U henefho. Ndi Ene o khunyelelaho.

<sup>97</sup> Zwino, kha ri vhale ri tshi isa phanđanyana.

*Nahone hu si nga malofha a dzimbudzi...namana, fhedzi nga malofha awe ene muñe o dzhena fhethu hukhethwa, ngauri a wana thengululo ya lini na lini... (Ni khou zwi wana?) ...thengululo ya u ya nga hu sa fheli a tshi itela riñe.*

<sup>98</sup> Hu si u rengululwa ḥamusi, huno-ha, vhege i tevhelaho musi mvuseledzo i tshi thoma, a rengulula afhu, huno-ha, oo, ra gunea nahone a rengulula hafhu. No rengululwa luthihi, lwa tshothe. Ndi zwone. A hu tshe na u rengulula, u rengulula, u rengulula. “Thengululo ya u ya Nga Hu Sa Fheli!” “Uyo ane a pfa Maipfi Anga nahone a tenda kha Uyo we a Nthuma, u na Vhutshilo Vhu Sa Fheli, nahone ha nga di khaṭhuloni, fhedzi o ralo,” tshifhinga tsho fhiraho, “o fhira lufuni o da Vhutshiloni.” Ngauri o khaḍana? Ngauri o lovhedzwa nga ndila nkene? Ngauri u na malofha tshandani tshawe? “Ngauri o tenda kha Murwa mubebwā a eṭhe wa Mudzimu.” Ri vha na thengululo ya u ya Nga Hu Sa Fheli ngauralo.

<sup>99</sup> Thetshelesani zwino.

*Ngauri...malofha a dzimbokoṭo na a dzimbudzi, na miłora ya tholehadzi yo zwone—zwone...u shashe zwi so ngo kunaho, i khethefhadze kha u kunakisa ḥama:*

*Zwingafhani zwine malofha a Kristo a do ita, ane nga Muya wa u ya nga hu sa fheli o dikumedza a si na tshilavhi kha Mudzimu, a ṭanzwa luvalo lwashu kha mishumo yo faho uri ri shumele Mudzimu a tshilaho?*

<sup>100</sup> “Ro fhira u bva kha lufu u da kha Vhutshilo.” Ri na ndavha na mini na zwine shango Ძelekanya? Ni na ndavha na mini kha zwine mudzulatsini waṇu a elekanya? Luvalo lwashu lwo fa, nahone ro fhandekanywa na u bebwa hafhu nga Muya wa Mudzimu, uri ri shumele wa ngoho nahone Mudzimu a tshilaho. Khezwo-ha.

<sup>101</sup> Zwino tselani kha ndimana ya vhu10, ndima ya vhu10, zwavhuđi-vhuđi, heneffo seli ha siatari.

... *mulayo u na murunzi wa zwivhuya zwi daho, huno hu si tshifanyiso kokotolo tsha zwithu, zwi nga si ralo uri nga izwo zwitħavħel o vha netshedza n̄wana na n̄waha vha tshi dovholola u ita muloshi uri a swike kha u k-h-u-n-y-e-l-e-l-a.*

U k-h-u-n-y-e-l-e-l-a, li hone, “U khunyelela.”

... *ri tshi ħutshela milayo ya pfunzo dza Kristo, kha ri ye kha u khunyelela; ... .*

*Ivhani no khunyelelaho, vhunga Khotsi aŋu... vha re tađulu vho khunyelela.*

<sup>102</sup> “Mulayo u na murunzi wa zwivhuya zwi daho,” mbekanyo dzothe na dzindovhedzo na dzone... na zwithu zwe the vha vha nazwo, “zwo vha zwi sa iti uri muloshi a khunyelele.” Huno, fħedzi-ha, Mudzimu u ħoda u “khunyelela.”

<sup>103</sup> Na vha murado wa tshivhidzo tsha Nazarene, a ni nga vhi o khunyelelaho. Nā vha murado wa tshivhidzo tsha Baphuthisi, Pentekostała, tshi nga vha tħini kana tħini, a tshi nga ni iti no khunyelelaho. Uri ni muvhuya, muthu wa u fulufhedzey, a zwi nga ni iti no khunyelelaho. Ni nga si swikelele tħithu na tħithihi. A hu na tshivhuya kha inwi, tsha u swikelela. No xela. Ni ri, “Zwo luga, ndo tevhedza mulayo. Ndi tevhedza savhatha. Ndi tevhedza *hezwi*, mbekanyo dzothe dza Mudzimu. Ndi ita *hezwi*.”

<sup>104</sup> Paulo o ri, “Kha ri vħetshele kule hezwo zwithu zwe the.”

<sup>105</sup> “Ndi zwone, fħedzi ri do ita *hezwi*. Ri do lovħedza vħathu, nahone ri do vheya zwanda khavho u itela phodzo yavho na zwiñwe.”

<sup>106</sup> Ri nga zwi dzhia, ndimana nga ndimana, tħiñwe na tħiñwe tsha hezwo zwithu. Ndovhedzo, ri a zwi tenda. “Hu na fulufħel l-ħihi, Murena muthihi, Lutendo l-ħihi, Ndovhedzo nthihi.” Ri a tenda uri hu na ndovhedzo. Ri tenda kha mvuwo ya vħafu. Ngangoho. Ri tenda uri Yesu o fa nahone a vuwa hafhu. Izwo ri a zwi tenda. “U vheċċa ha zwanda, u itela vhalwadze,” ndi zwine ya amba. “Hezwi zwiga zwi do tevhela avho vha tendaho. Arali vha vheya zwanda kha vhalwadze, vha do fhola.” Izwo ri a zwi tenda.

Fħedzi izwo ndi mini? Paulo o ri, “Ndi mishumo yo fah.” Ndi zwine na ita.

<sup>107</sup> “Zwino kha ri ye kha u khunyelela.” Oo, nne-nne! Ri khou da ngomu Theberenakeleñi, hu si mutheo; Theberenakele, Theberenakele Yone iñe. Uyo ndi mutheo: mulayo, na u luga, na-na-na-na u vha murado wa tshivhidzo, na u lovħedzwa, na-na u vheċċa zwanda. Idzo ndi mbekanyo dza tshivhidzo dzothe.

“Fhedzi zwino kha ri ye kha u khunyelela.” Nahone hu tou vha na Muthihi ane o khunyelela, uyo ndi Yesu.

<sup>108</sup> Ri dzhena hani Khae? “Nga Vhamethodisi?” Hai. “Pentekostala?” Hai. “Baphuthisi?” Hai. “Nga tshiñwe tshivhidzo?” Hai. “Katalika ya Roma?” Hai.

<sup>109</sup> Ri dzhena hani Khae? Vharoma 8:1.

*A hu tshe na u haṭulwa kha avho vha re kha Kristo . . .  
vha sa tshimbile vha tshi tevhedza zwithu zwa shango,  
nama, fhedzi vha tevhelaho zwithu zwa wone Muya, vha  
sa thetsheleri zwine shango la amba.*

<sup>110</sup> Naho ni tshi khou lwala, dokotela la ri, “Ni khou ya u lovha,” a ni zwi thetsheleri, a zwi ni thithisi na luthihi.

<sup>111</sup> Arali vha ni vhudza, “Ni khou tea u vha Mukatolika phanda ha musi ni tshi tshidzwa, kana Muphuresibatherieni, kana ni khou tea u ita *hezwi*,” a ni zwi thetsheleri.

“Ngauralo a hu tshe na khaṭhulo kha avho vha re kha Kristo Yesu, vha sa tshimbili vha tshi tevhedza nama, zwithu zwine vha zwi vhona.” Zwoṭhe zwine na vhona nga maṭo aṇu ndi zwa lifhasi.

<sup>112</sup> Fhedzi ndi zwithu zwine na zwi vhona muyani, nga Ipfi! Ipfi ndi mangilasi a u lavhelesa a Mudzimu ane a sumbedza zwine A vha zwone na zwine na vha zwone. Haleluya! Oo, nne-nne! Li a ni vhudza. Heyi ndi yone Bugu i yoṭhe shangoni ine ya ni vhudza hune na bva hone, uri ni nnyi, na hune na khou ya hone. Ntsumbedzeni siaṭari liñwe na liñwe la liñwalwa, huñwe na huñwe, li na saintsyo yoṭhe kana tshiñwe na tshiñwe, bugu inwe na inwe ya vhuḍi yo ḥwaliwaho, a hu na na nthihi yadzo ine ya nga ni vhudza hezwo. *Haya* ndi mangilasi a u lavhelesa a Mudzimu, ane a sumbedza zwine A vha zwone na zwine na vha zwone. Zwenezwo, vhukati afho hu na mutalo wa Malofha, une wa sumbedza zwine ni nga vha zwone arali ni tshi khou ṭoda u nanga. Khezwo-ha.

<sup>113</sup> “Nga Muya muthihi,” zwino, Vhakorinta ya u Thoma 12. Ri dzhena hani kha uyo Muvhili?

“Nga u khaḍana zwanda?” Hai, muñe wanga. “Nga u vha murado wa tshivhidzo?” Hai, muñe wanga. “Nga u lovhedzwa nga tsha murahu, tsha phanda? Nga dzina la Khotsi, Murwa, na Muya Mukhethwa? Dzina la Yesu Kristo? Dzina la Dzuvha la Sarone, Volenga la Muedzini, Naledzi Masase? Tshiñwe na tshiñwe tshire na ṭoda?”

Izwo a zwi kwamani nazwo. “I tou vha phindulo ya luvalo lwa vhuḍi kha Mudzimu.” Huno ri a ṭaṭa, na u fhambana, na u taṭisana, na u fhambana, na u bveledza phambano. Ndi zwone. “Fhedzi iyo yoṭhe ndi mishumo yo faho.” Ri khou ya kha u khunyelela.

<sup>114</sup> Izwo ndi zwithu zwe nda ita. Mushumeli o ni lovhedza. Kana o ni lovhedza tshifhatuwo tshanu tsho lavhelesa phanda, murahu, kana luraru, luña, kana luthihi, kana o zwi ita hani, izwo a zwi kwamani Nazwo. No tou lovhedzelwa kha vhuledzani ha tshivhidzo, naho zwe ralo, ni tshi khou sumbedza itsho tshivhidzo: ni tenda lufu, u swiwa, na mvuwo ya Kristo. U vheiwa ha zwanda, u fhodza vhälwadze, izwo ndi zwa vhudi, fhedzi, ndi zwa mvelo, nahone hoyo muvhili u do fa hafhu vhunga ni tshi khou tshila. U do dovha wa fa. “Zwino kha ri vhetshele izwo zwithu thungo, huno ri ye kha u khunyelela.”

<sup>115</sup> Ri dzhena hani kha u khunyelela? Ndi zwone zwine ra khou todä u zwi diwha.

...Kristo o *khunyeledza*...

“Mudzimu o vheya kha Ene vhutshinyi hashu rothe. O didelwa u pfuka hashu mulayo, a rwelwa vhutshinyi hashu, nahone thamu ya mulalo washu i Khae, nga ntho Dzawe ro fhodzwa.” Ndi wone Muvhili une ra khou ḥoda u dzhena khawo. Ndi wone Muvhili. Ngani? Arali ni kha uyo Muvhili, a ni nga vhoni khatulo, a ni nga thetsheli lufu. No vhofholowa kha lufu, khatulo, tshivhi, na zwinwe zweithe, musi ni kha hoyo Muvhili.

<sup>116</sup> “Ni dzhena hani Khawo, mureri? Nga u vha murado wa ino theberenakele?” No xela, naho zwe ralo. Ni nga si vhe murado, naho zwe ralo; a ri na bugu na nthihi. “Ri dzhena hani Khawo? Nga u vha murado wa tshivhidzo?” Hai, mun̄e wanga. “Ni dzhena hani Khawo?” Ni tou bebelwa Khawo.

<sup>117</sup> Vhakorinta ya u Thoma 12.

*Ngauri nga Muya muthihi rothe ro lovhedzelwa kha muvhili muthihi,...*

<sup>118</sup> Nga ndovhedzo ya Muya Mukhethwa, ro lovhedzelwa kha Muvhili, nahone ro vhofholowa tshivhini. Mudzimu ha tsha ni vhona; U vhona Kristo fhedzi. Huno musi ni kha uyo Muvhili, Mudzimu a nga si haṭule hoyo Muvhili. O no U haṭula kale. O dzhia khathulo dzashu nahone a ri rambela ngomu. Huno nga lutendo, kha tshilidzi, ri amba na u ḥanganedza u hangwelwa hashu. Huno Muya Mukhethwa u ri ḥisa kha vhuledzani na Ene. “Nahone a ri tsha tshimbila ri tshi tevhedza zwithu zwa shango, fhedzi ri tshimbila Muyani.”

U hanyiswa, Iphi lo da kha riñe. O fa vhuimoni hanga. Ndo itwa a tshilaho. Khezwi ndi fhano, vhe vha vhuya vha fa tshivhini na kha u pfuka mulayo, vho tshidzwa. Lutamo lwanga lwothe ndi u Mu shumela. Lufuno lwanga lwothe lwo livha kha Ene. Mitshimbilo yanga yothe i ḥoda u vha Dzinani Lawe, uri hothe hune nda ya, tshini na tshini tshine nda ita, ndi isa vhugala kha Ene. Arali ndi tshi khou zwima, arali ndi tshi khou rea khovhe, arali ndi tshi khou tambo bola, arali—arali ndi... tshini na tshini tshine nda khou ita, ndi tea u vha, “Kristo kha nn̄e,” kha vhutshilo ho raloho, vhune ha do ita vhanna uri vha ḥulutshelwe

u vha nga yeneyo ndila; hu si u sevhana zwiphiri, u sola, na u ṭaṭa nga zwivhidzo. Ni khou zwi wana? [Tshivhidzo tshi ri, “Amen.”—Mudz.]

“Nga Muya muthihi roṭhe ro lovhedzelwa kha uyo Muvhili.”  
“Huno musi Ndi tshi vhona Malofha, Ndi ḥo ni fhira.”

<sup>119</sup> Thetshelesani. Kha ri ise phanda na u vhala hafha, ndi a humbela.

...zwine zwi nga si *ite uri* muloshi a swike kha u *khunyelela*.

“Ngauri...” ndimana ya vhu2, ndima ya vhu10.

*Ngauri nga itsho tshifhinga vho vha vha sa gumi u netshedza?*

<sup>120</sup> Arali izwo zwe vha zwi tshi ita uri muthu a khunyelele... Nahone Mudzimu u toda u khunyelela. Arali u tevhedza milayo, arali u ita milayo yoṭhe, zwi tshi ni ita uri ni khunyelele, zwenezwo a hu na—a hū na ḥodeya ya u vha na tshinwe tshithu; no no khunyelela. Ngauri, musi no khunyelela, ni wa Lini na lini. Ngauri, Mudzimu ndi Ene a eṭhe ane a vha wa u ya Nga Hu Sa Pheli, nahone Mudzimu ndi Ēne a eṭhe o khunyelelaho. Huno ndila i yoṭhe ine ni nga vha wa u ya Nga Hu Sa Pheli, ndi u vha tshipida na Mudzimu. [A hu na tshithu kha theiphi—Mudz.]

...na u vhuya na ḥanzwiwa a ni tsha...a ni tshe na luvalo lwa tshivhi.

Mini? “Muloshi a vhuya a ḥanzwiwa, ha tshe na luvalo...”  
Arali na nwala ḥhalutshedzo ya hezwo, ndi “lutamo.”

...ene muloshi a vhuya a ḥanziwa...ha tshe na lutamo lwa tshivhi.

...arali ene muloshi a vhuya a ḥanzwiwa...

<sup>121</sup> Ni gonya n̄tha zwino na ri, “Oo, haleluya, ndo tshidza madekwanā o fhiraho. Fhedzi, zwe luga, Mudzimu nga a rendwe, o nnyita uri ndi guneye. Haleluya, linwe duvha ndi ḥo tshidza hafhu.” Ir̄wi ni so ngo pfumbudzwaho ni tungufhadzaho. A zwe ngo ralo.

<sup>122</sup> “Muloshi a vhuya a ḥanzwiwa ha tshe na luvalo lwa tshivhi,” Bivhili yo ralo. Thetshelesani, musi ri tshi isa phanda na u vhala, lwa miniti.

*Fhedzi kha izwo zwithavhelo...vhunga zwe elelwa zwi tshi lwa na tshivhi kha nwaha.*

<sup>123</sup> Zwino ri khou ya u ima, u dzhena kha ndimana ya vhu8, u vhulunga tshifhinga, na hune nda khou ḥoda u dzhena hone.

*N̄tha zwila musi a tshi ri, Tshithavhelo na nduvho na nduvho dzi fhiswaho...zwa tshivhi iwe a u ngo ralo, nahone a u ngo wana dakalo khazwo; zwe zwa netshedza nga mulayo;*

<sup>124</sup> Ndimana ya vhu9.

*Zwenezwo ene a ri, Vhona, Ndo da u ita lufuno lwau,  
O Mudzimu. O tusa zwone...dzhia...O tusa zwa u  
thoma, mulayo, uri a bveledze zwa vhuvhili.*

<sup>125</sup> Ndi tama arali ro vha ri na tshifhinga tsha u dzula kha izwo. Tenda fhedzi ni Muphuresibatherieni, kana Mupertekostała, kana Mubaphuthisi, kana Mumethodisi, a hu na zwine A nga ita kha inwi. U tea u bvisa hezwo zweṭhe, u thoma, ni a vhona, uri A koni u bveledza zwa vhuvhili. Tenda arali ni tshi ri, "Zwo luga, ndi Mumethodisi." Oho, a thi lwi na Vhamethodisi, kana Vhabaphuthisi, kana Vhapentekostała. Fhedzi, murathu, izwo a zwi—izwo a zwi ambi. Ni tea u ya kha u khunyelela, afho ndi kha Kristo.

<sup>126</sup> Lavhelesani hezwi zwino, lwa miniti.

*Nga zwine...ro itwa vhakhethwa nga tshiṭhavhelo  
tsha muvhili wa Yesu Kristo lwa tshoṭhe.*

<sup>127</sup> Oho? Kha ri vhale ri tshi isa phanda zwiṭukunyana, nahone ni fare izwo. Tendelani izwo zwi nwelele musi ri tshi khou vhala, "Lwa tshoṭhe."

*Huno tshifhe muñwe na muñwe o ima ḫuvha na ḫuvha  
a tshi khou shumela tshone tshiṭhavhelo lwa tshifhinga  
tshoṭhe, tshine a tshi koni u bvisa tshivhi:*

*Fhedzi hoyu munna, . . .*

No lugela? No bvula vese yanu zwino, uri zwi si suvhe, zwi do dzhena mbiluni? "Fhedzi hoyu Munna." Munna ufhio? Hu si mupapa wa Roma, hu si mubishopho wa tshivhidzo tsha Methodisi, kana tshiñwe tshivhidzo-vho.

*Fhedzi hoyu munna, Kristo, nga murahu ha musi o  
netshedza tshiṭhavhelo tsha tshivhi lwa tshoṭhe, o dzula  
fhasi kha tshanda tshaula tsha Mudzimu;*

*U bva zwenezwo a tshi khou lavhelela u swika  
maswina awe oṭhe a tshi itwa vhukando ha nayo dzawe.*

Lavhelesani. Khoyu u ya bvelela.

*Ngauri nga tshiṭhavhelo tshithihi o ralo u k-h-u-n-y-e-l-e-d-z-a, o ralo u khunyeledza . . .*

"U swika kha mvuseledzo yo no tevhela"? Izwo zwi amba mini?

*. . . o ralo u khunyeledza avho vho khethefhadzwaho  
lwa tshoṭhe.*

Ni khou zwi wana? "Kha ri ye kha u khunyelela."

<sup>128</sup> Zwino vhoinwi vhathu vha vhukhethwa ni ri, "Oo, ee, ri tenda kha vhukhethwa. Haleļuya! Ri tenda kha u itwa mukhethwa." Fhedzi ni khou dzhiya zwa inwi vhane. Ni tou litsha *hezwi* na litsha *izwo*. Ni a zwi ḫivha uri a ni tei u zwi ita.

Nndani ha musi Kristo o vula munango nahone a zwi hanyisela mbiluni yanu, nahone na swika fhethu hune tshivhi tsho fa, na lutamo, lwo tuwa lwothe. Zwenezwo, U bvisa u luga hanu ha u diambela, A nga Divhonadza kha inwi. "Huno ndi Kristo, Murwa wa Mudzimu, ngomu hanu, fulufhelo la Vhugala."

. . . *Kha ri ye kha u khunyelela;*

<sup>129</sup> Ri nga khunyelela hani? Nga lufu lwa Kristo. A si nga u vha muraðo wa tshivhidzo. A si nga mishumo mivhuya, zwine ra ita. Izwo ndi zwa vhudi zweþhe. A si ngauri ro lovhedzwa nga *heyi* ndila kana nga *heyo* ndila. A si ngauri ro fhodzwa, nga u vheiwia zwanda. A si nga tshiñwe tsha hezwi zwiñwe zwithu, "Ri tenda kha lufu, u swiþwa, na mvuwo."

<sup>130</sup> Paulo o ri, "Ndi nga amba nga dzindimi sa vhatu na Vharuñwa," idzo ndi ndimi dzi pfecteswaho na ndimi dzi sa pfecteswi, dzine dza tea u talutshedzwa, "A thi tshithu. Naho ndi na mpho ya ndivho nahone nda pfectesa vhuþali hoþhe ha Mudzimu," ni nga talutshedza Bivhili, u bva . . . na zwiþumanya zweþhe, "A thi tshithu." A zwi thusi nga maanda u ya tshikoloni, zwi a ralo, u guda Bivhili? "Naho ndi na lutendo lune nda kona u sudzulusa dzithavha . . ." Miþangano ya phodzo a i ambesi, i ya ralo? "A thi tshithu. Naho nda ñetshedza muvhili wanga uri u fhiswe sa tshiþhavhelo."

<sup>131</sup> "Oo," vha ri, "hoyu muthu ndi wa vhurereli."

<sup>132</sup> "Fhedzi ha tshithu," Paulo o ri, "ni so ngo vha a si tshithu."

<sup>133</sup> "Ngauri hune ha vha na dzindimi, dzi do fhela; hune ha vha na tshiporofito, tshi do kundelwa; hune ha vha na hezwi zwithu zweþhe, zwi do kundelwa. Fhedzi musi hetsho tsho khunyelelaho tshi tshi do da, hezwo zwi re tshipida zwi do fheliswa." Ni a vhona, hezwo "zwo khunyelela." U khunyelela ndi mini? Lufuno. Lufuno ndi mini? Mudzimu. "Kha ri vhetshale kule *heyi* mushumo yoþhe yo faho na ndaulo, huno ri ye kha u khunyelela." Ni a zwi vhona? Ro khunyelela nga Kristo. Ri dzhena hani Khawo? Nga ndovhedzo ya Muya Mukhethwa.

<sup>134</sup> "Zwo luga, ho itea mini?" No fhira u bva lufuni u da kha Vhutshilo.

<sup>135</sup> "Zwo luga, ndi a khadana, u thamuwa, u zwi ita?" A—a ni ralo, a ni tei u ita tshithu. No no zwi ita, Mudzimu o ni bvisa lufuni a ni ñisa kha Vhutshilo, nahone ni a tshila. Zwenezwo mitshelo yanu ya vhutshilo hanu i ya zwi sumbedza.

<sup>136</sup> Vhunzhi ha vhoiñwi Vhamethodisi na Vhanazarene no huwelela u ya nga hune na kona u huwelela, na tswa mavhele tshikwamani tsha muñwe muthu, ndi zwone, na ita zweþhe zwine zwa ralo.

<sup>137</sup> Vhunzhi ha vhoiñwi Vhapentekosta la no amba nga dzindimi, u fana na u shela ñawa kha mukumba wa kholomo, zwo tou

ralo, na bvela nnda nahone na shavhela kule na mufumakadzi wa muñwe munna, no ita zwithu zweþhe two fhambanaho. Izwo a si Zwone, murathu.

<sup>138</sup> Ni so ngo lingedza u vha na zwipfi kana tshiñwe tshithu uri tshi dzhiye vhuimo ha Muya Mukhethwa. Musi Mbebo ntswa i tshi ða, no shandukiswa. A ni tei u ita tshiñwe tshithu uri ni zwi sumbedze. Vhutshilo hañu vhu ya zwi sumbedza, musi ni tshi tshimbila. Ni tou vha lufuno, mulalo, u kondelela, u bvuda, vhulenda, u lindela. Ndi zwine na vha zwone, shango loþhe li vhonadzwa ha Yesu Kristo kha inwi.

<sup>139</sup> Zwino, u amba nga dzindimi, u huwelela ngomu afho, hu tou vha zwibveledzwa zwine zwa tevhela Vhutshilo ho ralih.

Huno ni nga dzhia, u kopela izwo zwibveledzwa, huno ni si vhe na uvho Vhutshilo. Ri a zwi vhonadzwa. Ndi vhangana vhanne vha zwi ðivha uri ndi ngoho? [Tshividzo tshi ri, “Amen.”—Mudz.] Zwo tou ralo, ni a ralo. Ngangoho ni a ralo. Nñe-nñe! Ni a zwi vhonadzwa hoþhe u mona na inwi.

<sup>140</sup> Ngauralo, a hu na tshithu tshine ni nga amba uri ndi thanziela ya Muya Mukhethwa, nndani ha musi hu vhutshilo hañu vhune na tshila. Zwino, arali ni tshi khou þoda u amba nga dzindimi, izwo zwo luga arali na tshila vhutshilo ha u zwi tikedza. Ndi zwone. Huno arali ni tshi khou þoda u huwelela, zwo luga, ndi zwa vhudi. Ndi a huwelela, na nñe-vho, nda takala nga maanda tshiñwe tshifhinga lune nda kundelwa na u ambara zwienda; nda tou nga ndi sa thamuwa nda bva khazwo. Nahone izwo ndi zwa vhudi. Ndi a zwi tenda.

<sup>141</sup> Ndo vhonadzwa mabono, nahone vhalwadze vha fhodzwa, vhabu vha vuwa. Musi vho edela nnda henefho nahone madokotela o tutshela kule nahone a ri, “Who fhela nahone zwo vha fhelela,” vha edela henefho lwa awaranyana; huno Muya Mukhethwa wa tsela phasi nahone wa sumbedza bono, tsela phasi henefho huno u vuse uyo muthu. Ndo no vhonadzwa avho vha madzingandevhe, zwimuma, na vho pofulaho, na zwihole, vha tshi tshimbila. Izwo a zwi... Izwo zwi tou vha zwibveledzwa.

<sup>142</sup> Mukomana, kale-kale, phanda ha musi shango li tshi vha na mutheo khalo; Mudzimu nga tshilidzi Tshawe tsha u ya nga Hu Sa Fheli, O’lavhelesa phasi, huno nga u divhela phanda Hawe a vhonadzwa inwi na nñe. O ðivha tshikhathi tshine ra do tshila khatsho. O ðivha uri ri do vha mini. Ngauralo, nga u nanga, O ri nanga phanda ha musi shango li tshi vha na mutheo, uri ri vhe Nae ri si na tshilavhi.

<sup>143</sup> Zwino, arali O ri nanga phanda ha musi shango li tshi vha na mutheo uri ri vhe Khae ri si na tshilavhi, huno ro bebwa na madondo, nahone a hu na tshiñwe tshithu tshine tshi nga... a hu na tshithu tshine tshi nga ri tanzwa, ri khou ya u kundelwa ngani u vha na—ri khou ya u kundelwa ngani u sa vha na tshilavhi? “O rumwa Murwa Wawe mubebwa a eþhe, uri nnyi na nnyi ane a tenda

Khae a si vhe na magumo a vhutshilo, fhedzi a vhe na Vhutshilo Vhu Sa Pheli; ha nga lovhi, fhedzi a vhe na Vhutshilo Vhu Sa Pheli.” Zwenezwo musi ri tshi da Khae, nga lutendo, nga tshilidzi ro tshidzwa, nga Muya Mukhethwa une wa khou ri vhidzelela.

<sup>144</sup> Phanda ha musi hu tshi vha na muvhili kha lino lifhasi, mivhili yanu yo vha yo edela hafha. Yo itwa nga khalishiamu, phothesiamu, manyadi, kosimiki—tshedza tsha kosimiki, na phethiroliamu, na zwiñwe zwinzhi, zwivhumbi zwa fumirathi. Huno Muya Mukhethwa wa thoma u alamela kha lifhasi, “u tshi vhudzula.” Huno Wa ralo, tshithu tsha u tou thoma, ha bvelela maluvha mañku a Paseka. Zwenezwo A alamela mahatsi, na zwiñoni, huno ho no fhela tshifhinganyana, muthu a bvelela.

<sup>145</sup> Zwino, ho ngo vhumba musadzi u bva kha buse la lifhasi. O vha a munna, na u rangani hazwo; munna na musadzi vho vha vha tshithihi. Ngauralo A bvisa kha thungo ya Adamu, luhabvu, huno a ita musadzi, mufarisi o mu fanelaho. Huno tshivhi tsha bvelela. Huno nga murahu ha musi tshivhi tsho bvelela . . .

<sup>146</sup> Mudzimu a nga si kundiwe, hu si na ndavha na zwine zwa itea. A nga si kundiwe. Zwenezwo, vhasadzi vha thoma u bveledza vhathu kha lifhasi. Huno Mudzimu, nga tshilidzi tsha u ya nga Hu Sa Pheli, a vhona ane a do tshidzwa, nahone A ni vhidza. “A hu na muthu ane a nga da kha Nñe, nndani ha musi Khotsi Anga vho mu vhidza, u ranga.” “A si uyo ane a funa, kana uyo ane a gidima, fhedzi Mudzimu a sumbedzaho khathutshelo.”

<sup>147</sup> Ni ri, “Zwo luga, ndo ḥoda Mudzimu. Ndo ḥoda Mudzimu.” Hai, a no ngo vhuya na ralo. Mudzimu o ni ḥoda. Zwo vha nga yeneyo ndila u rangani.

<sup>148</sup> Ho vha hu si Adamu we a ri, “O Khotsi, Khotsi, ndo tshinya. U ngafhi?”

<sup>149</sup> Ho vha hu Khotsi vha tshi ri, “O Adamu, Adamu, u ngafhi?” Iyo ndi mvelo ya muthu. Ndi maitele a muthu. O vhumbwa nga u ralo.

<sup>150</sup> “A hu na muthu ane a nga da kha Nñe nndani ha musi Khotsi vho mu kokodza. Nahone vhothe vhe Khotsi vha Nñeya vhone . . .” Hañeluya! “Vhothe vhane vha da, Ndi do vha ñeya Vhutshilo Vhu Sa Pheli, nahone Ndi do mu vusa nga ñuvha la u fhedza.” Ya vhudi hani, pfulufhedziso ya vhudi hani, ya Mudzimu wa Ṭadulu! Hune ra vha hone madekwana a ñamusi, hune, “O ana nga Ene muñe.” A hu na muñwe muhulwane. Ni ana nga muhulwane kha inwi. A hu na muñwe muhulwane, ngauralo Mudzimu a ana nga Ene muñe. Ri khou dzhena khazwo, uri O zwi ita hani na uri O zwi ita lini; huno a ana nga Ene muñe, uri U do ri vusa nahone a ri ita vhalifa Vhawe Ene muñe.

<sup>151</sup> Oo, ri nga ima hani ro khunyelela na u omelela, ano matsheloni! Ni nga lavhelesa hani, arali lufu lwo ni zondolola kha tshifhañuwo, ni nga amba sa Paulo, “Lufu, luholela lwau lu ngafhi? Vhida, gundo lau li gai? Fhedzi ri livhuwa Mudzimu,

We a ri neya gundo nga Murena washu Yesu Kristo.” Khezwoha. Ngani?

<sup>152</sup> “Oo, no ita *zwikene na zwikene*.”

<sup>153</sup> “Ndi a zwi *divha*, fhedzi ndo tsireledzwa nga Malofha Awe.” Haleļuya!

<sup>154</sup> “Nga Muya muthihi, rōthe ro lovhedzelwa kha Muvhili muthihi.” Vhoiñwi Vhamethodisi, Vhabaphuthisi, Vhaphuresibatherieni, zwenezwo zwine na vha zwone, ro lovhedzelwa kha Muvhili muthihi. Ri na vhuledzani, nahone ri vhadzulapo vha Muvhuso wa Mudzimu, ri tshi bula, u ri, “A ri vha *lino shango*.”

<sup>155</sup> Musidzana wanga muṭuku o da, *linwe* duvha, a ri, “Baba, hoyu musidzana muṭuku o ita *zwikene na zwikene*. Nahone vho ita *zwikene na zwikene*. Ra dzhena nđuni. Vho ita *zwikene na zwikene*.” Nda ri... A ri, “Ndi ngani ri sa iti izwo?”

<sup>156</sup> Nda ri, “Mufuňwa, a si vha *ilo shango*. Vha tshila kha *shango* *lavho*.”

<sup>157</sup> A ri, “A ri tshimbila mavuni mathihi?”

<sup>158</sup> Nda ri, “A *lino shango*, mufuňwa. A ri vhatihi na avho vhatu.”

<sup>159</sup> Bivhili yo ri, “Ibvani khavho, ivhani vho fhandekanaho, Mudzimu u ralo.” Ni a vhona, a ni muthihi wa izwo. Huno musi iyo Mvelo ntswa i tshi da kha inwi, a ni tsha tea u tou kokodzwa. A ni takaleli u humela murahu, sa mufumakadzi wa Loto. No tou bebwā, u bva khazwo. Nahone ni kha vhuňwe vhuimo. Nahone izwo zwi vhonala sa tshika kha inwi.

Huno hezwi, zwi hulu, Amerika la vhuđi *line* ra tshila kha lo, lo no vilingana. Tshiňwe na tshiňwe ndi nyemulo na vhasadzi. Huno vhasadzi nga ndila ine vha khou ambara ngayo, ndila ine vhanna vha khou *dfifara*, na—na zwithu zwine vha khou ita, huno vha *divhidza*, “Vhakriste.”

<sup>160</sup> Sa tsumbo, hoyu Elvis Presley, a ya a vha murado wa tshividzo tsha Pentekostala zwino. Zwo tou ralo, ndi hone he... Yudasi o wana maseta a fumiraru a silivhere. Elvis o wana muvhili wa Cadillacs, na dziňwe—na milioni *thukhu* dza dolara, nga u rengisa hedzi pfanelo dza mabebo. Arthur Godfrey. Lavhelesani kha izwo.

<sup>161</sup> Lavhelesani n̄tha hafha kha Jimmy Osborne ngei Louisville, nnđa afho na mitshino, roko na rolo, midantso ya kale na tshika. Huno nga matsheloni a Swondaha, u dzhia Bivhili nahone ima kha pułatifomo huno a rera. Zwi shonisa hani!

Ngazwo Bivhili yo ri, “Tafula iňwe na iňwe yo ḫala mačanza.” Ngani, ri khou tshila kha duvha li shushaho!

<sup>162</sup> Huno vhatu vha ri, “Oo, ndi vha vhurereli vhuhulu.” Oo! A ni zwi *divhi* uri diabolo ndi wa vhurereli? A ni zwi *divhi* uri

Kaini o vha a wa vhurereli u fana na Abele? Fhedzi, o vha a si na Nzumbululo. Ndi zwone. O vha a si na Nzumbululo.

Ee, rothe ri a ya tshivhidzoni, fhedzi hu na vhañwe vha na Vhutshilo, ndi avho vhane vha na Nzumbululo ya Yesu Kristo mbiluni dzavho. Hu si nga u khadana zwanda, u thamuwa, a si nga u vha murado wa tshivhidzo. Fhedzi, Nzumbululo, Mudzimu o Mu dzumbulula.

<sup>163</sup> Lavhelesani zwe a amba, “Vhathu vha ri Nñe, Murwa wa muthu, ndi nnyi?”

<sup>164</sup> “Vhañwe vha ri U ‘muporofita.’ Nahone vhañwe vha ri U ‘Eliya.’ Huno vhañwe...”

A ri, “Fhedzi vhoiwi ni ri ndi nnyi?”

<sup>165</sup> Petro a ri, “Iwe u Kristo, Murwa wa Mudzimu a tshilaho.” Izwo a zwo ngo bva mulomoni wawe.

<sup>166</sup> A ri, “Mufhañtshedzwa ndi iwe, Simoni, murwa wa Yona, ngauri nama na malofha a zwo ngo u dzumbululela izwi. A u ngo zwi guda kha vhañwe—vhañwe vhadzia u sa tenda vha Bivhili, kana dziñwe seminari dza thiolodzhi. Mufhañtshedzwa ndi iwe, ngauri nama na malofha a zwo ngo u dzumbululela izwi. Fhedzi Khotsi Ånga vha re Tadulu vho zwi dzumbulula. Nahone nt̄ha ha heli tombo Ndi do fhata Tshivhidzo Tshanga, nahone khoro dza hele a dzi nga Tshi kundi.”

<sup>167</sup> Arali ni Mukriste, ano matsheloni, ngauri ni wela kha tshivhidzo, no xela. Arali ni Mukriste ngauri no fhira u bva lufuni u ya Vhutshiloni, nahone no vhofholowa kha khatulo; u da kha Kristo, ni khou khunyelela tshifhinga tshothe. Mudzimu ha koni u vhona tshithu na tshithihi. Ni ri, “Zwo luga, ndi ðo vhuya nda ita phoswo?” Zwo tou ralo, fhedzi a ni zwi iti nga khole.

<sup>168</sup> Zwino ri khou dzhena kha izwo, nga miniti i si gathi, “Ngauri uyo ane a tshinya nga khole murahu ha musi o t̄anganedza ndivho ya Ngoho, a hu tshe na tshiñhavhelo tsha tshivhi.” Ri dzhena kha hezwo madekwana a ñamusi, ngauri ro no lenga zwino.

<sup>169</sup> Kha ri vhale ndimana dziñwe nnzhinyana dza hezwi, uri ri dipfe ri vha vhudi nahone ri dzhene fhasi nga maanda. Ndi zwone. Zwo luga, ri ðo thoma kha izwo madekwana a ñamusi, ndimana ya vhu4. Thetshelesani kha hezwi.

*Ngauri a zwi tsha konadzeya kha havho vhe vha vhuya vha vhotshelwa, nahone vha itwa... nahone vho itwa... huno vho thetshela zwa maanda, mpho dza t̄adulu, nahone vho itwa vhabaðekanywi vha Muya Mukhethwa,*

*Huno... vho thetshela ipfi la vhudi la Mudzimu, na maanda a shango li ðaho,*

*Arali vha wa, u divhuyedzedza... kha thembuluwo;...*

Ni a vhona? Huno ri dzhia izwo kha Vhahevheru 10, phanda na murahu, u sumbedza uri izwi ndi mini.

<sup>170</sup> Dzikhonani, “Kha ri ye kha u khunyelela.” Ri na... a rongo... A ri na tsha u diimelela ngatsho ḥamusi. A ri na tsha u diimelela ngatsho, na luthihi. Mudzimu wa Ṭadulu o bvelela kha lino ḫuvha la u fhedza nahone u khou ita zwithu zwithihi zwe A ita murahu ngei, musi zwila A fhano, musi A kha lifhasi. O sumbedzisa, musi ri tshi khou tshimbila kha heyi Bivhili. Huno inwi—inwi, kiłasi, divhani hezwi, uri ro dzhia madembe nga madembe, na zwiga nga zwiga, na vhuṭolo nga vhuṭolo, zwe A ita na vhana ngei sogani, zwithu na zwiga zwe A ita; zwithu zwe A ita musi A fhano kha lifhasi, o zwi vhonadza ḥamani; nahone zwithu zwithihi zwi khou itea ḥamus, heneffa vhukati hashu. Ipfi kheļi afha la u zwi khwaṭhisedza. Zwithu khezwi afha zwa u amba uri ndi zwone, zwa u zwi ita uri zwi vhe zwone. Muya wa Mudzimu khoyu afha u ita zwithu zwithihi, ngauralo a ri na tsha u diimelela ngatsho.

Kha ri rabele.

<sup>171</sup> Khotsi wa Ṭadulu! Ri tshi vhona uri ro tangwa nga gole lihulu la dzithanzi, ri tendele ri vhetshale thungo ipfi liñwe na liñwe, tshiñwe na tshiñwe, vhukhakhi vhuñwe na vhuñwe, ipfi liñwe na linwe ḫivhi, ipfi liñwe na linwe lo ambiwaho luvhi, ngelekanyo iñwe na iñwe, “nahone ri gidime nga u kondelela mbambe yo imaho phanda hashu, ro lavhelesa kha munetshedzi na mukhunyeledzi wa lutendo Iwashu, Murena Yesu Kristo.” O kha hu rendwe Dzina Lawe li sa vhambedzeyi nahone likhethwa! O da hani kha lifhasi u rengulula muthu o waho, na u vha vhuyedzedza murahu kha vhuledzani ha Murena Mudzimu. Nahone ri livhuwa Iwe nga hezwi. Huno zwino nga tshilidzi Tshawe... A ro ngo vhuya ra Mu nanga, fhedzi O ri nanga. O ri, “A no ngo Nnanga, fhedzi Ndo ni nanga.” Lini? “Musi shango li sa athu u sikwa.”

<sup>172</sup> Huno, Mudzimu a funeaho, arali hu na vhañwe vho dzulaho hafha ano matsheloni, khañwe vho vhetshelaho hezwi thungo lwa miñwaha na miñwaha, fhedzi hu dzulela u vha na zwiñku zwi khokhonyaho mbiluni. Khañwe vho vha mirado ya tshivhidzo, vha tshi elekanya uri, “Zwo luga, zwi do luga.” Khotsi, zwo tou ralo, Mañwalo o zwi ṭalutshedza ano matsheloni: uri ni nga si dzumbame murahu ha tshivhidzo, huno na vha o lugaho; nahone ni nga si vhe muvhuya, ni si zwifhe na u ts哇 nahone ni si ite tshithu na tshithihi tshivhi, huno na di vha o lugaho.

<sup>173</sup> Hu tou vha na u luga huthihi hune ra vha naho, a si hashu, fhedzi u luga Hawe. O khunyeledza u tshidzwa hashu. Ngauralo, nga u vha Khae, Mudzimu ha vhonis phoswo dzashu. Musi ri tshi

ita tshiñwe tshithu tsho khakheyaho, hu na muya ngomu hashu u huwelelalo, “O Khotsi, nkhangwele!” Zwenezwo Mudzimu ha zwi vhoni. Huno two ralo, ri dzheniswa kha vhuledzani na tshilidzi Nae. Zwi tendele, Murena, musi ri tshi vala ino tshumelo, nga Dzina la Kristo. Amen.

<sup>174</sup> Lwa tshikhalañana, ndi takalela u ni vhudzisa. Hu si na ndavha na zwine na ita, no xela. Thetshelesani hezwi. Tshiñwe tshifhinga tsho fhiraho... Ndi nga vha ndo no zwi amba. Tshenzhemo tshiñku tshe tsha itea kha nñe khetshi.

<sup>175</sup> Ndo vha ndi nñha ngei—ngei Toledo, Ohio. Ndo vha ndi kha mvuseledzo nahone—nahone ndi na muñangano fhasi heneffo nahone hu na vhathu vhanzhi. Vha ya ñivha hodela ye nda vha ndi khayo; zwenezwo vha mmvisa nda ya nnnda shangoni. Ndo vha ndi tshi khou dzula nnnda heneffo, kha nnndu ñhukhu.

<sup>176</sup> Ro vha ri tshi khou la kha vhengele la zwiliwa liñuku la ngei Dunkard. Ho vha hu fhethu ha vhudi, vha fumakadzi vhañuku ngomu heneffo, vha tshi vhonala sa Vhakriste nahone sa vhakhethwa, vho kuna nahone vha vha vhudi. Swondaha ya swika, nda farwa nga ndala. Ndo vha ndi tshi khou qidzima zwiñku. Huno ndi khou ñoda u ya seli ha tshiñaraña u bva kha tshiñwe, uri ndi wane zwiñkunyana. Bada ñhukhu heneffo khudani, nahone ho vha hu na ha ndowelo, ho doweleyaho, fhethu ha Amerika heneffo, ha u la hone. Huñuku, vha na fhethu huñuku, vhengele la zwiliwa, li vuña vhusiku hoñhe. Musi ndi tshi dzhena heneffo nga iyo Swondaha, u yela kha iri ya vhuvhili nñha ha tshithoma nga masiari, phanda ha musi ndi tshi tsela fhasi u rera nga ayo masiari, ndo vha ndo fareledzeya, ndo vha ndi sa ñivhi zwine nda tea u ita.

<sup>177</sup> Nda dzhena ngomu, huno tshithu tshe nda thoma u tshi vhona ho vha mufumakadzi muñuku wa u yela kha ya fumirathi, miñwaha ya fumimalo, muñwe mufuñwa wa baba, muñwe mufuñwa wa mme, o ima murahu heneffo na mutukana, zwanda zwawe zwi kha khundu dzawe. Tshigwada tsha vhaswa tsho dzula kha—kha ñafula.

<sup>178</sup> Nda pfa mutshini wa madeñwa. Nda layhelesa u mona na *hafha*, huno ho vha hu na pholisa lo ima heneffo zwanda zwawe zwi kha musadzi, nñha u mona na hafha, khunduni dzawe, nahone vha tshi khou tambo mutshini wa madeñwa. Zwino, ni a zwi ñivha uri u betsha na mutshini wa madeñwa a zwi tendeliwi ngei Ohio, vhoiñwi vhathu vha Buckeye hafha. Huno ni a zwi ñivha uri izwo a zwi tendeliwi. Huno afha ho vha hu na mulayo, u tshi khou tambo mutshini wa madeñwa; nahone munna wa miñwaha yanga, ane a nga vha o no mala, tshigwada tsha vhana, khanwe a makhlulu. Pholisa, a lindaho bada, a tshi khou tambo mutshini wa madeñwa. Heneffo hu na vhaswa... Vhana vha thanganamurole vha ita mini? Izwi zwi ita mini?

<sup>179</sup> Nda ima heneffo. A hu na muthu we a mmbona ndi tshi dzhena ngomu, vho vha vho farekana, hafu yavho vho vha vho kambiwa. Ngauralo, nda lavhelesa. Nda pfa muñwe muthu a tshi ri, “Zwo luga, u elekanya uri mvula i do vhaisa muroho?” Huno nda lavhelesa u mona nga hafha, huno heneffo ho vha ho dzula mufumakadzi, mufumakadzi wa mualuwa, wa vhukuma . . . O vha a na minwaha ya furathi-thanu, fusumbe, u yela kha yeneyo. Huno mufumakadzi a ḥungufhadzaho . . . A thi vhone muthu na muthihi mulandu musi a tshi vhonala a wa khwiñe. Fhedzi musi a tshi . . . O vha o didzudzanya, a ita mavhudzi awe a vha lutombo, a tshi vhonala a lutombo nga maanda. Huno o tumulwa othe, nga n̄tha, huno a a ita a vha buluu. Huno o dola zwidolo zwitukunyana, kana izwo zwine na ḥola kha tshifhañuwo, na madondo mahulu. Huno a ambara zwiambaro zwipfufhi, huno itsho tshithu tsha kale tsho vha tsho onyekana u swika hune nama, ya nembelela, nama yo vha yo nembelela sa *hezwi* kha milenzhe yawe. Huno o vha o kambiwa. O vha o dzula heneffo na mukalaha, huno zwi khou itea tshilimo, na liñwe la haya a kale, dzhasi litshena la mmbini, kana muvhala mudala. Lo nembelela fhasi sa *hezwo*, na mofulane muhulu kha mukulo wawe. O kambiwa, vhuvhili havho, huno vho vha vha na hoyu musadzi wa mualuwa a ḥungufhadzaho.

<sup>180</sup> Nda ima heneffo nahone nda lavhelesa u mona. Nda ri, “Mudzimu, U zwi kondelela hani? Mini—mini . . . U lavhelesa hani kha zwo raloh? Musi, zwi tshi ita nne, muitazwivhi o tshidzwaho nga tshilidzi, u elekanya uri, u ralo hani—U lavhelesa khazwo? Ngani, zwi vhonala vhunga U nga thuthubisa izwi zwithu zwa vuleya. Rebekah wanga muñukuna Sarah vha do tea u aluwa fhasi ha thuthuwedzo yo raloh? Vhasidzana vhanga vhavhili vhatuku vha do tea u ḥangana na—na u duma, u divheya nga maanda, shango li fanaho na la namusi, hune vhatu vha tshila nga u ralo? Mudzimu, ndi do konā hani u . . . ndi ite mini?”

Zwo tou ralo, ndi tshilidzi Tshawe. Arali vho telwa Vhutshilo Vhu Sa Fheli, vha do da khaho. Arali vha so ngo ralo, vha nga si de. A thi divhi. Izwo zwi kha Mudzimu. Ndi do ita tshipida tshanga.

<sup>181</sup> Nda elekanya, “U zwi kondelela hani, Mudzimu? Zwi vhonala vhunga U mukhethwa nga maanda lune U nga sokou thudzela kule izwo zwithu zwa bva kha lifhasi.” Nda ri, “Lavhelesa kha mukegulu a ḥungufhadzaho o dzula afho. Lavhelesa kha uyo musidzana muswa murahu afho. Huno afha ndi musadzi o ima hafha, a nga vha a na minwaha ya fumbili-thanu. Huno ilo pholisa na zwanda zwalo u mona na khundu dzawe, li tshi ralo u tamba mutshini wa mādenwa. Huno afho hu na mulayo; lushaka lwo fhela. *Hone* vhumme ho fhela. *Afha* hu na mualuwa o fhela. Huno afho ndi musidzana muswa o dzula murahu afho, nahone o fhela. Lavhelesa kha vhatukana, ngeno vho fanelwa u vha vha tshivhidzoni kana huñwe fhethu.”

<sup>182</sup> Nda ri, “O Mudzimu, ndi ite mini? Huno ndi fhano kha ino dorobo, ndi tshi huwelela nga mbilu yanga yothe, huno a vha zwi dzhieli n̄ha nahone vha tshimbila ha nga vha khou . . .” Nda elekanya, “Zwo luga, Mudzimu?”

<sup>183</sup> Zwo luga, zwenezwo ngelekanyo ya bvelela, “Arali Ndi so ngo vha vhidza, vha nga da hani? Vhothe vhe Khotsi a N̄neya vha do da. ‘Ni na māo fhedzi a ni koni u vhona, ndevhe huno a ni pfi.’”

<sup>184</sup> Nda elekanya, “Zwo luga, arali Muphuresidente a da doroboni madzuloni a mvuseledzo, muñwe na muñwe u do bva. Oo, zwo tou ralo, izwo ndi zwa shango.”

<sup>185</sup> Zwenezwo nda thoma u elekanya, “Zwo luga, Mudzimu, hani, ndi ngani U sa ṭuwi, ita nga u ralo, rumela Yesu huno ri fhedzelane na hezwi? U so ngo tou—tou ralo huno u fhedze hezwi zwothe, huno zwi fhele?”

<sup>186</sup> Zwenezwo nda thoma u vhona tshiñwe tshithu tshi tshi khou tshimbila phanda hanga. Tsho vha tshi tshi vhonala sa dumbo li tshi khou mona sa *hezwi*. Nda isa phanda na u tshi lavhelesa. Nda vhona shango li tshi khou mona li tshi mona. Nda li lavhelesa, huno he la vha li tshi khoufafadzela zwiñwe zwithu. Nda lavhelesa, nahone ho vha hu tshifafadzelo tshitswuku, Malofha matswuku, u mona, u mona na shango; u fana na dumbo li tshi vhudzula, vhunga tshidumbumukwe, nahone lo vha li na dumbo sa *hezwi*. Huno nda lavhelesa kha heli dumbo. Huno n̄ha halo, nda vhona Yesu kha bono. O vha o lavhelesa fhasi. Huno nda divhona ndo ima fhasi kha lifhasi, ndi tshi khou ita zwithu zwine a thi tei u ita. Huno tshifhinga tshothe tshe nda tshinya, Mudzimu ndi musi o mmbulaya, “Ngauri, duvha line wa la, ndi duvha line wa fa.” Huno vhukhethwa ha Mudzimu na vhulamukanyi zwi ṭoda zwenezwo, huno ni do tea u fa. Huno nda lavhelesa henefho. Nda isa phanda na u sikīedza māo anga. Nda ri, “A thi khou . . . A tho ngo edela. Ndi . . . Ndi bono. Ndi na vhuṭanzi ndi bono.”

<sup>187</sup> Nda isa phanda na u lavhelesa, musi ndo ralo u ima murahu ha vothi. Huno nda vhona zwivhi zwanga zwi tshi bvelela. Huno tshifhinga tshothe zwi tshi thoma u rwa Khuluñoni, Malofha Awe a ima sa bammbara ya goloi. A ya zwi gavha, huno nda zwi vhona Zwi tshi dzinginyea, huno Malofha a ela kha tshifhañuwo Tshawe. Huno nda Mu vhona a tshi imisa zwanda Zwawe, huno a ri, “Khotsi, mu hangwele, ha divhi zwine a khou ita.”

<sup>188</sup> Nda divhona ndi tshi khou ita tshiñwe tshithu, tsha Mu dzinginyisa hafhu, tsha bammba. Ndi musi zwo ralo, Mudzimu ndi musi o mmbulaya henefho, fhedzi Malofha Awe o vha a khou mpfara. O vha a tshi khou thivha zwivhi zwanga. Nda elekanya, “O Mudzimu, ndo ita izwo? Ngoho a si nne.” Fhedzi ho vha hu nne.

<sup>189</sup> Zwenezwo nda thoma u tshimbila sa *hezwi*, vhunga ndo vha ndi tshi khou fhira kha holwo lufhera, huno nda tshimbila nda sendela tsini Nae. Nda vhona bugu yo dzula heneffo, yo vha i na dzina *langa* khayo, na maledere othe matswu o fhambanaho o *nwalwa* khayo. Nda ri, “Murena, mpfarele nge nda ita hezwi. Zwivhi zwanga two ita uri U ite izwo? Ndo monisa Malofha Au u mona na shango? Ndo ralo—ndo ralo u ita izwi kha Iwe, Murena? Mpfarele nge nda zwi ita.” Huno A swikelela. Nda ri, “U do ralo u nkhangwela? Ndo vha ndi sa *ṭodi* u ralo. Ndi do... Iwe, nga tshilidzi Tshau, ndi do lingedza u vha mutukana wa khwiñe arali Iwe wa nthusa.”

<sup>190</sup> A bvisa tshanda Tshawe nahone a vhanda thungo Yawe, a bvisa munwe Wawe huno a *nwala* “wo hangwelwa” kha bugu yanga; a i posa murahu Hawe, Lwanzhe lwa Khangwa. Nda lavhelesa zwiṭukunyana. Huno A ri, “Zwino, Ndo u hangwela, fhedzi u khou *ṭoda* u mu *hatula*.” Ni a vhona? A ri, “Wo hangwelwa, fhedzi mini-ha ngae? U khou *ṭoda* u mu thuthubisa. A u ngo *ṭoda* a tshi tshila.”

<sup>191</sup> Nda elekanya, “O Mudzimu, nkhangwele. Nda ndi so ngo divhudza u elekanya izwo. Ndi sa *ṭodi* u zwi ita. Ndi—ndi—ndi sa *ṭodi* u zwi ita.”

<sup>192</sup> “Wo hangwelwa. U *dipfa* u wa *vhuđi*. Fhedzi mini-ha ngae? U ya zwi *ṭoda*, nae-vho. U ya zwi *ṭoda*.”

<sup>193</sup> “Zwo luga,” nda elekanya, “Mudzimu, ndi *divha* hani We wa mu *vhidza*, na We u si ralo u mu *vhidza*?” Ndi mushumo wanga u amba na muñwe na muñwe.

<sup>194</sup> Ngauralo, musi bono li tshi *n̄utshela*, nda ya khae. Nda ri, “Hu ita hani, mufumakadzi?” Huno avho vhanna vhavhili vho vha vho ya kha lufhera lwa u dithuma. Huno vha... O vha o dzula heneffo, u femeleka, ni a *divha*, a tshi khou sea. Bodelo *la* wisiki li kha *tafula*, kana halwa, ho vha hu hone, halwa ho dzula heneffo, he vha vha tshi khou nwela hone. Nda ya heneffo. Nda ri, “Hu ita hani?”

Huno a ri, “Oo, hurini.”

Huno nda ri, “Ndi nga dzula phasi?”

A ri, “Oo, ndi na vhañwe.”

Nda ri, “A thi khou zwi ambela hafho, khaladzi.”

A nndavhelesa musi ndi tshi mu *vhidza* “khaladzi.” A ri, “U khou *ṭoda* mini?”

Nda ri, “Ndi nga dzula phasi lwa miniti?”

A ri, “*Dithuse*.” Huno nda dzula phasi.

Nda mu *vhudza* zwe zwa itea. A ri, “Dzina *lau* ndi nnyi?”

Huno nda ri, “Branham.”

A ri, “Ndi iwe munna wa phasi hafha kha ulu luvhande?”

Nda ri, “Ee, mme.”

<sup>195</sup> A ri, “Ndi kale ndi tshi khou Ძoda u tsela heneffo fhasi.” A ri, “Vho. Branham, ndo aluswa kha muṇa wa Tshikriste.” A ri, “Ndi na vhasidzana vhavhili vhane vha vha Vhakriste. Fhedzi zwiñwe, zwithu zwiñwe zwe itea,” huno a dzhena kha ndila i si yone, kana u thoma.

<sup>196</sup> Nda ri, “Fhedzi, khaladzi, a thi na ndavha, Malofha a kha Ḍi mona na iwe. Heli shango ḍo tibwa nga Malofha.” Arali A so ngo ralo, ndi musi Mudzimu o ri vhulaya, muñwe na muñwe. O... Musi hayo Malofha a tshi bviswa, lavhelesa kha khaṭhulo. Fhedzi zwino, arali wa fa hu si na Malofha, wa wetshela afho seli, zwenezwo a hu na tshine tsha do u imelela. Namusi Malofha o ima vhuimoni hau. Nda ri, “Mufumakadzi, zwe tou ralo, Malofha a tshe o u tibedza. Tenda u tshe na mufemo muvhilini wau, Malofha o u tibedza. Fhedzi ḋinwe ḋuvha musi mufemo u tshi pfuluwa hafha, maya wa Ძuwa, u do wetshela seli ha hayo Malofha, huno hu si sale tshithu fhedzi khaṭhulo. U na tshikhala tsha u hangwelwa...” Huno nda mu fara nga tshanda.

<sup>197</sup> O vha a tshi khou lila, a ri, “Vho. Branham, ndi khou Ძwa.”

<sup>198</sup> Nda ri, “Izwo a zwi thithisi. Tshiñwe tshithu, tshiñwe tsho ntsivhudza uri ndi ḍe ndi u vhudze.” Nda ri, “Mudzimu, musi shango li sa athu u sikwa, o u vhidza, khaladzi. Huno u khou khakha, nahone u khou tou zwi ḡanisa.”

<sup>199</sup> A ri, “U elekanya uri U ḍo ntanganedza?”

<sup>200</sup> Nda ri, “Zwi khagala, U ḍo tea u ralo.”

<sup>201</sup> Henefho nga magona awe, ra gwadama fhasi vhukati ha luvhande, huno muṭangano wa thabelo ya fesheni ya kale wa thoma. Liya pholisa ḍa bvula muñadzi waḍo huno a gwadama nga magona. Ra vha na muṭangano wa thabelo heneffo, heneffo fhethu. Ngani? Mudzimu ndi muvhusi.

“U vhetshela kule mishumo yo faho, kha ri ye kha u khunyelela.”

<sup>202</sup> Kha ri dzhene fhethu hune hezwi, “Ndi wela kha tshivhidzo; ndi wela kha hezwi,” izwo zweṭhe zwa fhela. Huno ri ye kha u khunyelela.

<sup>203</sup> Khonani yanga ya muitazwivhi, arali namusi ni si na Malofha, ni so ngo tshidzwa, ni si na tshilidzi, Malofha a Yesu Kristo o ni fara. Ni ri, “Zwo luga, ndi a ponya tshifhinga tshoṭhe.” Fhedzi ḋinwe ḋuvha ni khou ya hune a hu na tshine tsha do ni imelela.

Zwino kha ri rabele, musi ri tshi kotamisa Ძohoho dzashu.

<sup>204</sup> U hone, ane a tama, muñwe hafha ḡamusi ane a tama u ri, “Mudzimu nkhathutshele, ndi limuwa uri ndo khakha”? Khañwe no vha murado wa tshivhidzo. Izwo zwe luga. Fhedzi arali ni sa athu ḡanganedza tshilidzi tsha Kristo, ni ḍo

ralo u imisa tshanda tshañu nahone na ri, "Rabelela, nñe, Mukomana Branham"? Mudzimu a ni fhañutshedze, muñe wanga. Mudzimu a ni fhañutshedze, mufumakadzi. Ndi zwone. Ni so ngo ralo... Mudzimu a ni fhañutshedze, muñe wanga, murahu afho. Mudzimu a ni fhañutshedze, na inwi. Murahu-ruhu, ee, Mudzimu a ni fhañutshedze. Imisani tshanda tshañu. Ndi zwone. Itanu imisela tshanda tshañu n̩ha, huno ni ri, "Mudzimu, nkhathutshele."

<sup>205</sup> Ni ri, "Ndi wela kha tshivhidzo, Mukomana Branham. Ee, ndo—ndo lingedza u vha wa vhudi, fhedzi a thi ñivhi, ndi tou nga, u vhonala sa, ndi nga si zwi ite." Oo, vhafhiri vha ḥungufhadzaho, khonani i kundelwaho nahone i ḥungufhadzaho, a ni athu u vhonona bono.

<sup>206</sup> Ni ri, "Mukomana Branham, ndo huwelela. Ndo amba nga dzindimi. Ndo ita hezwi zweathe." Izwo zwi nga vha zwi zwone, nazwo-vho. Izwo zwe luga, a thi lwi nazwo.

Fhedzi, mufunwa wanga, khonani yo xelaho, fhedzi, u amba nga dzindimi, kana u khañana, kana u khañana zwanda, kana u lovhedzwa, izwo, izwo zwe luga. Fhedzi, u Mu ñivha, ndi u ñivha Muthu. "U Mu ñivha ndi Vhutshilo."

<sup>207</sup> Ni ri, "Ndi ñivha Bivhili, zwa vhudi nga maanda." Zwe luga, u ñivha Bivhili, a si Vhutshilo. "U Mu ñivha," lisala vhukuma, "u Mu ñivha, Kristo," musi ni tshi ñivha uri O ni hangwela.

Ni do ralo u imisa zwanda zwanu, hafhu, muñwe-vho? Mudzimu a ni fhañutshedze, mufumakadzi. Mudzimu a ni fhañutshedze, muñe wanga. Mudzimu a ni fhañutshedze afha, murathu. Mudzimu a ni fhañutshedze murahu afho, munna muswa. Mudzimu a ni fhañutshedze nga afha, khaladzi. Mudzimu a ni fhañutshedze, murahu-ruhu, afho. Ndi zwone. "U Mu ñivha, ndi Vhutshilo."

"Mukomana Branham, nkhumbule. Zwino ndi fhano, henehfa tshiduloni tshanga, ndi khou ya u ḥanganedza Kristo."

<sup>208</sup> I ri ni, "Ida mbiluni yanga, Murena Yesu, huno u n̩eye uyo mulalo, uho u ñifhelela." Ni ye tshivhidzoni, ni tambe muzika u ya nga hune na kona, ni tshireni tshi ya n̩ha na phasi, ni gidime na luvhande; ni ye hayani, na whilahela, na u vhumbuluwa, na u taña, uyo a si Kristo. Ni ya tshivhidzoni, na dzula na thetshelesa iñwe pfunzo ḥukhunyana ya uri buroho i khou ya u penndiwa hani, kana zwiñwe zwithu, zwiñwe zwi nga ho izwo, ni si vhuye na pfa Ipfi. Ipfi li bveledza Vhutshilo. Ndi Mbeu. A ni ḥodi mulalo?

<sup>209</sup> Ni khou whilahela nga u fa? Ndi musi namusi no farwa nga vhulwadze ha mbilu, zwi a ni whilahedza? Kana ni do pembela, nga u ri, "Ndi khou ya u vha na Murena Yesu magumoni a ino ndila"? Ni a Mu ñivha? Arali ni sa ralo, itanu imisa tshanda tshañu. Ri khou ya u ni humbetshela thabelo. Ee, murathu, inwi, na inwi-vho.

<sup>210</sup> Zwo luga, mbiluni yaṇu zwino.

Nga ndila ine nda vha ngayo, ndi si na tshithu  
na tshithihi,  
Fhedzi uri Malofha Au o shulutshela (a tshi  
itela nnyi?) ene nne,  
Ngauri ndo fulufhēdzisa, ndi do tenda,  
O Ngwana, O Ngwana ya Mudzimu, ndi a da.  
Ndi a da, zwa vhudi, khathutshela.

Nga ndila . . .

Tshimbilani ni ye Khae, nga lutendo. Tendani uri O ima  
heneffo tsini na inwi. O ralo.

. . . -na luthihi  
U shavhisa muya wanga (nga vhugai zwino?)  
nga nthihi . . . (mbiti, tsinyuwo),  
Kha Ene Ane Malofha awe a kona u ḥanzwa  
dondo ḥinwe na ḥinwe,  
O Ngwana . . .

<sup>211</sup> “Nga lutendo ndi do ya kha tshifhambano, ano matsheloni. Ndi vheya maṭhupho anga fhasi. Ndi a da.” Mudzimu a ni fhatutshedze murahu afho. Ndi zwa vhudi. [Mukomana Branham u thoma u ḥuṇuna *Nga Ndila Ine Nda Vha Ngayo*—Mudz.] Ni so ngo vha o fhambanaho zwino. Ni tshi dudela, lu takadzelelaho, tshimbilani ni ye kha tshifhambano.

<sup>212</sup> Kha Thestamente ya Kale, vho vha vha tshi disa ngwana. Vho vha vha tshi zwi ḥivha uri vho tshinya, vho zwi ḥivha nga milayo. Zwino ni ya zwi ḥivha, ngauri Mudzimu o amba na mbilu yaṇu. Vho lavhelesa kha milayo, “Iwe u so ngo ita vhupombwe. Iwe u so ngo ita *tshikene na tshikene*.” Huno vha dzhia ngwana, vha ya vha vheya zwanda zwavho kha ngwana, tshifhe a tumula gulokulo. Tshithu tshiṭuku tshi tshi khou raha-raha, na u phopha malofha, na u shulula malofha, nahone tshi tshi khou fa. Zwanda zwawe zwo vha zwi tshi tibwa zweṭhe nga malofha. Ngwana yo fa vhuimoni hawe, fhedzi u ḥuwa na lutamo luthihi lwa u zwi ita hafhu.

<sup>213</sup> Fhedzi hafha fhethu, ri da nga lutendo, nga tshilidzi. Mudzimu o ri vhidza. Ri vheya zwanda zwashu kha ḥohoh ya Ngwana ya Mudzimu. Ri pfa iyo hamula i tshi fhefheḍa. Ri pfa ilo Ipfi, “Ndi na ḥora; Mpheni zwa u nwa. Khotsi, u so ngo vha vhalela itshi tshiyhi; a vha ḥivhi zwine vha khou ita.” Ni a vhona? Nga lutendo, ri pfa lufu Lwawe heneffo vhuimoni hashu. Fhasi-fhasi mbiluni yashu hu na wo dzivhafhalaho, mulalo wo dzudzanaho, musi Ipfi li tshi ri, “Zwino no hangwelwa. Tshimbilani nahone ni so ngo tsha tshinya.” Hani, nga tshilidzi, zwenezwo, ri ḥuwa ri si tshe na lutamo luthihi, fhedzi lutamo lwa u sa tsha tshinya hafhu kana u ita tshiṇwe tshithu tsho khakheyaho. Mulalo u no fhira u pfectesa hoṭhe, wo dzhena mbiluni dzashu.

Ngavhe ni tshi U ḥanganedza zwino musi ri tshi rabela, muṇwe na muṇwe, nga khathihi.

<sup>214</sup> Khotsi wa Ṭadulu, vha khou da nga lutendo, nga tshilidzi. Hu na zwanda zwinzhi two imaho. Ndi mitshelo ya Mulaedza. Vha da kha Iwe. Vha khou tenda. Ndi tenda khavho, na nne-vho, Murena. Ndi tenda uri, ngoho, Muya Mukhethwa wo amba navho. Huno nga lutendo vha khou gonya n̄ha nga leri ya Yakobo, n̄ha kha milenzhe ya tshifhambano, vha khou vheya fhasi zwivhi zwavho, nahone vha ri, “Murena, two nn̄dalela. A thi tsha kona u zwi hwala. Huno U do ralo u bvisela kule muhwalo wa tshivhi, nahone wa bvisa lutamo lwa u ita zwenezwo mbiluni yanga? Huno u ntendele, nga lutendo, lino duvha, ndi U ḥanganedze sa Mutshidzi wanga. Huno u bva zwino u ya phanda, ndi qo U tevhela maela iñwe na iñwe ya ndila, u swika magumoni a lwendo. Ndi gavha mbonalo ya uri zwi amba mini ‘u ya kha u khunyelela,’ hu si u ya tshivhidzoni, nahone midzi ya mishumo yo faho sa dzindovhedzo na zwiñwe. Fhedzi ndi khou ṭoda u issa phanda, u swika ndi tshi ngalangala, huno Kristo a kona u tshila kha nne.”

<sup>215</sup> O Yesu, tendela hezwi kha maya muṇwe na muṇwe u diṭukufhadzaho, ano matsheloni. Muṇwe na muṇwe o imisaho zwanda zwave u do ḥanganedza Vhutshilo Vhu Sa Fheli ngauri Wo zwi fulufhedzisa. Vho ḥanganeda zwi khagala. Vho imisa zwanda zwavho. Vho vunda milayo yothe ya giravithi. Vho ita uri saints i dishone, ngauri saints i ri, “Zwanda zwanu zwi tea u nembelela fhasi.” Tshiñwe na tshiñwe tshi sumbedza izwo kha saints, uri tshi tea u vhofheya kha lifhasi, ngauri giravithi i ya tshi farela fhasi. Fhedzi ho vha na maya khavho we wa dzhia tsheo, nahone vho hanedza milayo ya giravithi nahone vha imisa zwanda zwavho. Wo zwi vhona, Murena. Wo ᱠwala dzina ḥavho kha Bugu. “U hangwelwa.” Bugu ya kale yo humela murahu kha Lwanzhe lwa Khangwo zwino, a zwi tsha do dovha zwa elelwa. Vha tendele vha ye phanda ḥamusi, sa vha funaho, Vhakriste vha vhudi, uri vha shumele Iwe. Huno khaṇwe vhanzhi vhe vha si imise tshanda tshavho, vha neye-vho.

<sup>216</sup> Tendela vhakhethwa vha sendele tsininyana, Murena, ngauri ri tsini na Hayani nga duvha lithihi u fhira zwe ra vha ri zwone mulovha. Ivha na rine, Murena, ngauri ri zwi humbelu nga Dzina la Kristo nahone u itela vhugala Hawe. Amen.



*VHAHEVHERU, NDIMA YA VHUTANU NA YA VHURATHI* / TSV57-0908M  
(Hebrews, Chapter Five And Six<sup>1)</sup>)  
BUGU YA MILAEDZA YA VHAHEVHERU

Hoyu Mulaedza nga Mukomana William Marrion Branham, u rangani wo  
ñewa nga Tshiisimane nga matsheloni a Swondaha, Khubvumedzi 8, 1957,  
Thaberenakejeni ya Branham kha la Jeffersonville, Indiana, U.S.A., wo dzhiwa  
kha rekhodo ya theiphi ya maginete huno wa gandiswa u songo pfufhifhadzwa  
nga Tshiisimane. Heyi þhalutshedzo ya Tshivenda yo gandiswa huno ya  
phadhaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)